

四庫全書

集部

欽定四庫全書

王荊公詩注卷十七

宋 李壁 撰

古詩

和平甫舟中望九華山四十韻

楚越千萬山雄奇此山兼盤根雖巨壯其末乃修纖去

縣尚百里側身勇前瞻蕭條煙嵐上縹緲浮青尖

青尖
峯也

徐行稍復逼所矚亦已添精神去疊疊氣象來漸漸

詩
漸

漸之石注士街反公必別有

却席取近岸

却席謂落帆也

移船

傍蒼蘼窺觀坐窮晡未覺晷刻淹江空萬物息四面波

瀾恬哉然九女鬟爭出一鏡奩卧送秋月没起看朝陽

遲

遲日光升進也

游氛蕩無餘瑣細得盡覘凌空翠纛舞照影

寒鉈鉈

言山出在水中如劍鉈之寒且鉈利也

冢木立紺髮崖林張紫髯

山釋名山頂爲冢非墳冢人冢。李羣玉詩紺髮初簪玉葉冠。孫權有紫髯將軍之號

變態生倏

忽雖神詎能占當留老吾身少駐誰云饜惜哉秦漢君

黃屋上衡瀾

始皇三十七年行至雲夢望祀舜於九疑山紀不明言嘗登衡山也漢武元封五年

冬南巡至於盛唐望祀虞舜於九疑登瀟天柱山等之
應劭曰瀟音潛同南嶽霍山在瀟瀟縣名屬廬州

事嬉遊捨此何其廉我疑二后荒神物久已厭埋藏在

雲霧不欲登昏愴

秦之君臣上昏而下愴

又疑避褒封蔽匿以爲

謙或是古史書脫落簡與籤當時備巡游今不存緗縑

終南秦之望太山魯所詹天王與秩祭俎豆羅醢鹽苟

能澤下民維此遠亦沾方今東南旱土脉燥不黏尚無

膚寸功豈免竊食嫌神莽吾難知士病吾能砭文章巧

傅會

漢袁盎贊盎雖不好學亦善傅會

智術工飛箝

鬼谷子有飛箝一篇飛箝謂縱橫之

學

薦寶互珪璧論材自梗柟苟以飾婦妾謬云活蒼黔

蒼生黔首

合而言之豈如幽人樂茲山謝閭閻穴石作戶牖垂泉

當門簾尋竒出後徑覽勝倚前簷超然往不返舉世徒

咕咕

竇嬰咕咕自喜耳

高興寄日月千秋伴烏蟾遐追商洛翁

秦火不能炎近慕楚穆生竟脫楚人鉗

楚王戊不設醴穆生云王之意

急不去楚人將鉗我於市

吾意竊所尚人謀諒難僉

重和

誰謂九華遠吾身未嘗詹

九華山錄云此山竒秀高出雲表峯巒異狀厥數有九故

號九子山李白因游江漢唱篇每起予予口安能箝憶
暗其秀異遂更號九華山

在秋浦北空江上新蟾光潔瀉一鏡迴環兩隄奩一鏡奩曲

堤萬瓦跳猛雨杜牧露坐引衣襟衣襟衣領也風行欹帽簷

維舟當此時巨細得盡瞻試嘗論大略次乃述微纖此

山廣以深包蓄萬物兼噓雲吐霧雨生育靡不漸巍然

如九皇德澤四海沾此山相後先各出羣峰尖毅然如

九官羅立在堂廉挺身百辟上附麗無姦愷此山高且

寒五月不覺炎草樹淒已綠冰霜尚涵淹頽然如九老

白髮連蒼髯

白樂天嘗與胡杲狄兼謨等燕集皆此山高年不仕者時人慕之繪爲九老圖

當無雲秀色鬱以添婉然如九女靚飾出重簾

靚飾及九女並

見上注。道書永爲婉女

珮環與巾裾紺玉青紈縑遠之妍西施近

或醜無鹽

句踐所獻吳之美女爲西施。無鹽女齊之醜婦人也宣王召見拜爲王后齊國大安

變態不可窮詩者徒咕咕我初勇一往役世難安恬浪

荒不走職民瘼當誰砭乖離今數旬夢想欲窺覘自期

得所如何啻釋囚鉗念昔太白巔下視海日進

公嘗宰鄆縣有

太白竭來天柱游屐齒尚苔黏猶之健飲食屢饗亦云

饜胡為慕攀踏已憊且不嫌豈其仁智心山水固所潛
男兒有所學進退不在占功名苟不諧廊廟等閭閻況
乃掄掾杙其誰辨梗枲歸歟巖崖居料理帶與籤詩謂所取
皆撲檄小才又何梗枲之辨。籤帶書飾也得石坐兀兀逢泉飲厭厭取舍

斷在獨豈必詢謀僉子語實慰我寧殊邑中黔

左傳邑中之黔

實慰我心

玉枝將在山當倚以葭蒹

世說蒹葭倚玉樹

詩力我已屈

鋒鋌子猶銛扶傷更一戰語汝其無謙

次韻和中甫兄春日有感

雪釋沙輕馬蹄疾北城可游今暇日濺濺溪谷水亂流
漠漠高原草爭出嬌梅過雨吹爛漫幽鳥迎陽語啾唧
分香欲滿錦樹園剪綵休開寶刀室

隋煬帝大業元年築西苑宮樹秋冬

周落則剪綵為葉綴於枝條色渝則易以新者常如陽春沼內亦剪綵為荷芰菱乘輿游幸則去水而布之

○刀室謂鞘也

胡為我輩坐自苦不念茲時去如失飽聞高徑

動車輪甘卧空堂守經帙淮蝗蔽天農久餓越卒圍城

盜少逸至尊深拱罷簫韶元老相看進刀筆

賈誼傳俗吏所務在

於刀筆箱篋注刀所以削書札公譏柄國者亦甚矣

盲風生物尚有意

盲風疾風也盲風而

言生物
未詳

壯士憂民豈無術不成歡醉但悲歌回首功名

古難必

收鹽

州家飛符來比櫛

詩其比如櫛如櫛之相比迫也

海中收鹽今復密窮

囚破屋正嗟歎吏兵操舟去復出海中諸島古不毛島

夷為生今獨勞不煎海水餓死耳誰肯坐守無亡逃爾

來盜賊往往有劫殺賈客沉其艘一民之生重天下君

子忍與爭秋毫

島夷之民不煎海何從得食而官又禁之其為盜固宜。公嘗語東坡人須是

知行一不義殺一不辜
而得天下弗為乃可

省兵

有客語省兵省非所先方今將不擇獨以兵乘邊前
攻已破散後距方完堅以衆亢彼寡雖危猶幸全將既

非其才議又不得專兵少敗孰繼

言將不足賴猶恃多兵可以禦敵併兵省

之兩者皆無矣蓋公意非謂兵多為足恃苟能擇將則兵少亦何至遂敗乎

敵騎飲秦川萬

一雖不爾省兵當何緣驕惰習已久去歸豈能田不田
亦不桑衣食猶兵然省兵豈無時施置有後前王功所

由起古有七月篇百官勤儉慈勞者已息肩游民慕草

野歲熟不在天

言民力於農天不能使之飢

擇將付以職省兵果有

年

先儒嘗言徐禧奴才也善兵者有二萬人未必死彼雖十萬人亦未必能勝二萬人古者以少擊衆而取

勝者多蓋兵多亦不足恃昔者袁紹以十萬阻官渡而曹操只以萬卒而取之王莽百萬之衆而光武昆陽之衆八萬仍有在城者然則只是數千人取之苻堅下淮百萬而謝玄才二萬人一麾而亂以此觀之兵衆則易老適足以資敵一敗不支則自相蹂踐至如聞風聲鶴唳皆以為晉軍之至則自相殘也譬之一人軀幹極大一人輕捷兩人相當則擁腫者遲鈍爲輕捷者出入左右之則必困矣自古師旅勝敗不能無之然今日邊事至號疎曠前古未之聞也其源在不任將帥將帥不謹任人閫外之事將軍處之一一申覆皆受廟算上下相

徇安得不敗據此雖言兵以少勝而擇將之說畧與公同

發廩

先王有經制頒賚上所行

周禮廩人掌九穀之數以待國之匪頒賙賜稍食以歲之

上下數邦用令民就穀

後世不復古貧窮主兼并非民獨如此爲

國賴以成築臺尊寡婦入粟至公卿我嘗不忍此願見

井地平

寡婦見兼井注。入粟公卿如卜式黃霸之徒公意欲復井田使貧富均而無位以行也按

井地之制張子曰程氏兄弟皆有

大意苦未就小官苟

營營三年佐荒州市有棄餓嬰

公以皇祐三年倅舒駕州至和元年除館閣

言發富藏云以救鰥惇崎嶇山谷間百室無一盈鄉豪

已云然罷弱安可生茲地昔豐實土沃人良耕他州或

皆窳

漢書地理志皆窳偷生而亡積聚如淳曰皆音紫窳音庾師古曰皆短也窳弱也

貧富不

難評幽詩出周公根本詎宜輕願書七月詩一寤上聰

明

感事

賤子昔在野心哀此黔首豐年不飽食水旱尚何有雖
無剽盜起萬一且不久持愁吏之為十室災八九原田

敗粟麥欲訴嗟無賕

一作諫。民訴旱必以錢言吏之無狀也。

間關幸見省

鞭笞隨其後況是交冬春老弱就僵仆州家閉倉庾縣

吏鞭租負鄉隣銖兩徵坐逮空南畝取貲官一毫姦桀

已云富

取貲言官所得至微而姦猾並緣自豐

彼昏方怡然自謂民父母

竭來佐荒郡懔懔常慚疚昔之心所哀今也執其咎乘

田聖所勉況乃余之陋內訟敢不勤同憂在僚友

美玉

美玉小瑕疵國工猶珍之大賢小玷缺良交豈其絕小

缺可以補小瑕可以磨不補亦不磨人爲奈爾何

寄曾子固

公集有同學一首別子固子固作懷友一篇遺公可見其相愛也至晚年

乃方相
違爾

吾少莫與合愛我君爲最君名高山嶽竭藥蒿與泰低
心收憇友似不讓塵壒又如滄江水不逆溝畎澮君身
揭日月遇輒破氛靄我材特窮空無用補倉廩謂宜從
君久垢污得洮汰

李斯傳太山不讓土壤故能成其大河海不擇細流故能就其深洮徒刀

反洮
潁也

人生不可必所願每顛沛乖離五年餘牢落千里

外投身落俗弃薄宦自鉗鉇

杜牧詩熱去解鉗鉇

平居每自守高

論從誰巧摇摇西南心夢想與君會思君挾奇璞願售

無良儉

僧古外切合市也

窮閭抱幽憂凶禍費禳禱州窮吉士

少誰可壻諸妹

按子固擇諸妹所歸皆得良士

仍聞病連月醫藥誰可

賴家貧奉養狹誰與通貨貝詩人刺曹公賢者荷戈役

奈何遭平時德澤盛汪濊鸞鳳鳴上下萬羽來翹翹呦

呦林間鹿爭出噬苹賴方今高世士動輒遭狼狽人事

既難了天理尤茫昧聖賢多如此自古云無奈周人貴

婦女扁鵲名醫滯

滯字書下病也扁鵲傳鵲名滿天下旁游六國至邯鄲聞趙貴女病即為

帶下醫過洛陽聞周人愛老人即為耳目痺醫入咸陽秦人愛小兒即為小兒醫隨俗改變無所滯礙貴婦人乃趙人非周人今稱周或別有出處嗟今無常勢趨舍唯利害而君信斯

道不問身窮泰棄捐人間樂濯耳受天籟諒知安肥甘

未肯顧糠粃龍螭雖蟠屈不慕蛇蟬蛻令人重感奮意

勇忘身最何由日親炙病體同砥艾功名未云合歲月

尤須惕懷思切劘効中夜淚霑霑君嘗許過我早晚治

車軼

說文軼車轄也從車大聲徒蓋反

山蹊雖峻惡高眺發蒙眊

眊目不明

也漢淮南王傳說丞
相下之如發蒙耳
峯巒石參差木樹青
暗藹桐江路

尤駛

桐江在舒公作此詩必在舒時也

飛槩下鳴瀨魚村指暮火酒舍

瞻晨旆清醪足消憂玉鯽行即膾行行願無留日夕佇

傾蓋會將見顏色不復謀著蔡延陵古君子議樂恥言

鄣

蔡大龜也。襄公二十九年季子觀周樂自鄣以下無譏焉

細事宜足論故欲論

其大披發韃橐幪幪見戈銳探深犯嚴壁破惑翻強

旂

左氏桓公四年旂動而鼓杜注曰旂旂也通帛爲之蓋令大將之麾執以爲號令

離行步羣

蘭偶坐陰松檜宵牀連衾幃晝食共麕羈茲歡何時合

清瘦見衣帶

梁沈約傳約與徐勉書曰百日數旬革作帶嘗應移孔以手握臂率計月減半分

詩寄微誠誠語無綵繪

同杜史君飲城南

山公游何處

山簡傳山公往何許往至高陽池

白馬鳴翩翩檀欒十畝

碧五月浮寒煙留客醉其間風吹江海縣出罇不見日

竹外空青天焚蠟助月出酒光發金船狂客惜不去醉

翁舞回旋何必吹簫人

吹簫人弄玉秦王之女簫史教之吹簫乃作鳳臺居之一夕吹

簫鳳集乘之仙去見劉向列女傳

玉枝自嬋娟歸路借紅燭雨星低馬

前

左傳星隕如雨此詩以燭喻星也

有感

憶昨與胡子戲語西城幽
放斥僕與馬獨身步田疇
牛豎歌我旁聽之爲久留
一接田父語歎之勝王侯
追逐恨不恣暮歸輒懷愁
顧常輕千乘祇願足一丘

前漢班嗣報桓

譚書曰棲遲於一丘則天下不能易其樂

子時怪我少好此寂寞游笙簧不

入耳又不甘醪羞那知抱孤傷罷頓不能適世味已鮮
久但餘野心稠乖離今十年斑髮滿我頭昔興亦畧盡

言既衰野興亦盡
況於世味
食眠嘗百憂
每逢佳山水
欲往輒復休

方壯遂如此
況乃高春秋

送孫叔康赴御史府

梅宛陵送孫屯田召爲御史詩薦贖交車府恩書下

建章又云祖酌方滋桂行威欲犯霜
鳳毛仍襲慶雞舌更含香即叔康也

古人喜經綸
萬事慙強聒
時來上青冥
俛仰但一節

古人

雖志經綸是亦有義命如劉向輦上變論事乃幾強聒
知道者不然也故君子雖得時小不合輒去故云俛仰
一節而下又云
聲利盡毫末
由來治亂體

宿昔心已達

莊子天運篇通昔不寐注昔夜也古
樂府宿昔夢見之李善本宿一作風肯隨

俗好惡議論輕自決遺風何寥寥夢寐待豪傑天書下

東南趣召赴嚴闕

嚴闕字未詳後漢冠榮傳有嚴朝字

長材晦朝倫

源乾曜詩

鼓鐘崇享禮
鴛鴦集朝倫

高行隱家闔新除醺聞望宿蘊行施設念

非吾忘形此理未易說

別馬祕丞

伯夷惡一世季也皆鄉人吾嘗論夫子有似季之倫人
情路萬殊近世頗荆榛唯君游其間坦坦得所循意君
誠愷悌慕向從宿昔奈何初相歡鷁首已云北萋萋郊

原青漠漠風雨黑冠蓋滿津亭君今去何適

淮南子曰龍舟鷁首

補注收鹽公爲鄞縣嘗上運使孫司諫書云伏見閣下令吏民出錢購人捕鹽切以爲過矣海旁之鹽雖日殺人而禁之勢不止也今重誘之使相捕告則縣之獄必蕃而民之陷刑者將衆無賴姦人將乘此勢於海旁漁業之地搔動艚戶使不得成其業艚戶失業則必有合而爲盜賊殺以相仇者此不可不以爲慮也公詩當作於此時也

王荊公詩注卷十七

欽定四庫全書

王荊公詩注卷十八

宋 李壁 撰

古詩

到郡與同官飲

瀉碧沄沄橫帶郭浮蒼靄靄遙連閣

唐詩江聲五千里瀉碧急於弦。浮

蒼謂
山色

草木猶疑夏鬱葱風雲已見秋蕭索荒歌野舞同

醉醒水果山肴自酬酢自嫌多病少歡顏獨負佳賓此

時樂

自州追送朱氏女弟宿木榴僧舍明日度長安

嶺至皖口

晨霜踐河梁落日憇亭臯念彼千里行惻惻我心勞攬
轡上層岡下臨百仞濠寒流咽欲絕魚鼈久已逃暮行
苦遭迴細路隱蓬蒿驚麕出馬前獸駭亡其曹

淮南王
招隱詞

禽獸駭兮
亡其曹

投僧避夜雨古檠昏無膏山木鳴四壁疑身

在波濤

韓詩夜風一何喧杉檜屢磨
颺猶疑在波濤怵惕夢成魔平明長安領飛雪

忽滿袍天低浮雲深更覺所向高

招同官遊東園

青青石上柏霜至亦已凋

柏字誤一作藥

冉冉水中蒲爾生信

無聊感此歲云晚欲歡念誰邀嘉我二三子爲回東城
鑣幽菊尚可泛取魚繫榆條毋爲百年憂一日以逍遙

石鼓文其魚維何維鯽與鯉何以貫之維
楊與柳公詩妙處在使事而不覺使事也

九日隨家人遊東山

暑往詎幾時涼歸亦云暫相隨東山樂及此身無憾聊

回清池施更伏荒城檻采采黃金花持杯為君泛

秋懷

城南平野寒多露窗壁含風秋氣度鄰桑滅滅已欲空

詩桑之落矣。韓公荷池詩云未諳鳴滅滅

悲蟲啾啾促機杼

悲蟲絡緯也絡緯鳴懶婦

驚柴關半掩掃鳥迹獨抱殘編與神遇韓公既去豈能

追孟子有來還不拒

漢紀夢與神遇此借用。韓文籍湜雖屢指教烏保其不叛去然二

子初未嘗叛公又東都遇春詩既去焉能追有來猶莫聘

既別羊王二君與同官會飲於城南因成一篇

追寄

赤車使者白頭翁當歸入見天門東

赤車使者圖經云根紫如蒨根生荆

州襄州山谷白頭翁葉似芍藥而大每莖一花紫色似大莖

與山久別悲念念澤瀉

半天河漢空

本草葱有數種。半天河按藥性論此竹籬頭水及高樹穴中盛天雨能殺鬼精恍

惚妄語勿令知之與飲差

羊王不留行薄晚酒肉從容追路遠

王不留行

生泰山山谷

臨流黃昏席未卷玉壺倒盡黃金盞

黃金盞即忍冬草也

羅列當辭更繾綣預知子不空青眼嚴徐長卿誤推挽

老年揮翰天子苑

列當按圖經生山南巖石上如藕根。徐長卿圖經生泰山山谷及隴西

三月生苗葉似小桑。子苑即紫苑。送車陸續隨子返坐聽城雞腸宛轉。

雞腸草圖經生蜀郡今南中多有北土差少如大戟。中多有之繁萼亦名雞腸草。當歸。澤瀉肉蓯蓉硫黃預知子並藥名。

試茗泉

得月字。此泉在撫州之金谿翠雲院石本尚存詩序云治平丁未臨川王公

自江寧召還翰林金谿吳顯道追送至撫州因語及金谿令君政事餘暇多得山水之樂近以五題求詩於人乃定韻各賦一詩獨王公爲二仍使其子同賦此泉詩與躍馬泉詩是也零所賦乃翠雲院詩亦佳

此泉地何偏陸羽曾未閱坻沙光散射竇乳甘潛洩
陸羽

本傳但言羽嗜茶著茶經三篇而已然茶經所論水甚詳以山水爲上江次之井爲下水乳泉石池漫流者爲上浮槎之水猶不錄況此泉乎

靈山不可見嘉草何由啜但有夢中

人相隨掬明月

靈山嘉草句公未嘗至泉傍故云爾

躍馬泉

古水縮蛟螭憎山欲隳突山祇來伐之半嶺跳齧膝言

蛟隳山廣其穴山神禁之齧膝良馬也

玉珂鳴寒空組練光照日

左襄公三年注

組甲漆甲成組文被練練袍

崩騰赴不測一陷常萬匹神戰異人間

千秋爲儵忽泉旁往來客夜寄幽人室但聽鳴蕭蕭何

由見神物

白紵山

在當塗縣東桓溫領妓游山奏樂好為白紵歌故名白紵山

白紵衆山頂江湖所縈帶浮雲卷晴明可見九州外

輿上寒空置酒故人會峯巒張錦繡草木吹竽籟登臨

信地險俯仰知天大留歡薄日晚起視飛鳥背

柳子厚山水記

穴臨大野飛鳥皆視其背

殘年苦局束往事嗟摧壞歌舞不可求桓

公井空在

宋武亦嘗會羣臣此山歌白紵桓公所鑿井在南城

七星硯

余聞星墮地往往化爲石

左傳隕石於宋五隕星也

石上有七星此

理余莫測持來當白日光彩不爲匿恍如超鴻蒙俛仰

帝垣側

鴻蒙自然元氣也斗居帝垣之側故云超鴻蒙

當由偶然似見取參筆

墨豪心蕩珍異樂以萬金得南工始爲僞傳合巧無隙

亦時疑世人故自有能識

硯有僞爲眼者

九鼎

本朝先儒嘗言左傳載鑄鼎事後之人得以藉口者此爾然使如丘明之說不誣亦

不過象物之形百物而爲之備使民知神姦而已後之人至用方士厭勝祈禳之法此何所據丘明云成王定鼎於郊鄆卜世卜年天所命也然而洛誥周公所作當時所爲無不

載者若鼎之爲物乃社稷重器而莫之載者何也鼎鑄於夏時夏之法制莫詳於禹貢之書豈有九牧貢金成此重器欲以協上下承天休而禹貢曾無一語及之乎易六十四卦其在鼎也取象爲備如丘明之說畧無毫髮相類而況於後之紛紛者乎故凡事無徵者皆不可爲也

禹行掘山走百谷蛟龍竄藏魑魅伏心誌幽妖尚覲隙

以金鑄鼎空九牧

宣四年昔夏之方有德也貢金九牧鑄鼎象物百物爲之備使民知神奸

故民入川澤山林不逢不若魑魅罔兩莫能達之此言覲隙者恐其窺伺間隙復出爲惡也

治雲赤

天漲爲黑靄風餘吹山拔木

漢書朱旗絳天言治所蒸氣天盡赤又漲起而黑也

鞞所鼓爲風餘力可鼎成聚觀變怪索夜人行歌鬼晝
以拔木二句奇甚

哭功施元元後無極三姓衛守相傳屬弱周無人有宜
出沉之九幽折地軸始皇區區求不得坐令神奸窺邑
屋自禹鑄鼎傳至商周爲三姓也。周末太丘社亡鼎
沒於泗水彭城下始皇二十八年過彭城齋戒禱祠
欲出周鼎使千人
沒水求之不得

九井

得盈字。九井在當塗殷仲文詩有桓公南州九井

公崖涉澗三十里高下犖确無人耕捫蘿挽葛到巖趾
仰見吹瀉何崢嶸餘聲投林欲風雨末勢捲土猶溪阮

吹瀉諸本皆作征雁絕無義理。餘飛蟲凌兢走獸駭聲二句皆狀山泉淙激奔怒之勢

霜雪夏落雷冬鳴

蟲兢獸駭言瀑流蕩滴其傍蟲獸怖恐

野人往往見神

物鱗甲漠漠雲隨行

崔煒游番禺墮枯井跨蛇而出去不由穴口但如於洞中行幽暗若

漆蛇之鱗甲光燭兩壁時見繪畫

我來立久無所得空數石上菖蒲生

中官繫龍投玉冊小吏磔狗澆銀觥地形偶爾藏險怪

天意未必司陰晴山川在理有崩竭丘壑自古相虛盈

誰能保此千秋後天柱不折泉常傾

左氏山崩川竭莊子脰篋篇夫川竭

而谷虛丘夷而淵實。言陵谷變遷不可知也。列子湯問篇共工氏與顓頊爭為帝怒而觸不周之山折天

柱絕地維故天傾西北日月星辰就焉地不滿東南故百川水潦歸焉。○章子厚嘗謂客曰延安帥章質夫曰版築發地得大竹根半已變石西邊自昔無竹亦一異也客皆無語邵伯溫云天地回南作北多矣公以今日之延安爲自天地以來西邊乎子厚太息曰公觀物之學也蓋子厚亦嘗學於康節云

寄題衆樂亭

陵陽遊觀吾所好恨不即過衆樂亭嘗聞髣髴入夢寐
吟筆自欲圖丹青千峯秀出百里外忽於其上嶢簷楹
朝雲噓巖日暖暖夜水落澗風泠泠春花窈窕鳥爭舞
夏木陰鬱猿哀鳴潦收葉落天地爽海月影到山川明

籃輿晨出誰與適坐與萬物觀虛盈令思民事不忍後
田間笑語催蠶耕吏休歸舍獄訟少墟落飲酒歡秋成
惟愁一日奪令去出郭老稚交逢迎彼安知此方祿仕
徒喜使我寬逋征令知道義士林服遺愛豈用吾詩評

書會別亭

西城路居人送客西歸處年年借問去何時今日扁舟
從此去春風吹花落高枝飛來飛去不自知路上行人
亦如此應有重來此處時

劉希夷詩洛陽城東花飛來
飛去落誰家○劉長卿詩新

安路人來去一
首此詩頗類之

題舒州山谷寺石牛洞泉穴

一作留題三祖山谷寺石壁公自注

云皇祐三年九月十六日自州之太湖過懷寧縣山谷乾元寺宿與道人文銳弟安國擁火遊石牛洞見李翱習之書聽泉久之明日復遊乃刻習之後

水泠泠而北出山靡靡以旁圍欲窮源而不得竟悵望

以空歸

據晁无咎以此篇入續楚詞晁云蓋公在江南時所書野壁辭凡二十四言世以謂具六藝羣

書之遺味故與其經學典策之文俱傳焉高齋詩話荆公嘗題詩云云後人鑿山刊木寢失山水之勝非公題詩時比也魯直效公題六言司命無心播物祖師有記傳衣白雲橫而不度高鳥倦而猶飛識者云語雖奇不

及荆公自然。○會稽土地志曰山靡靡迤而長

王荊公詩注卷十八

欽定四庫全書

王荊公詩注卷十九

宋 李壁 撰

古詩

泊舟姑蘇

朝遊盤門東暮出閶門西

姑蘇城門有五曰盤門閶門葑門婁門齊門

四顧

茫無人但見白日低荒林帶昏煙上有歸鳥啼物皆得

所託而我無安棲

陶詩萬族各有託孤雲獨無依

崑山慧聚寺次孟郊韻

寺在蘇州

僧蹊蟠青蒼莓苔上秋床露翰飢更清

露翰指鶴也

風籟遠

亦香掃石出古色洗松納空光久遊不忍還迫近冠蓋場

如歸亭順風

春江窈窕來無地飛帆浩浩窮天際

文選飛閣流丹下臨無地然此語意

乃謂江所從來遠也

謝元暉詩天際識歸舟朝出吳川夕雪溪回首喬林吹

岸薺

顏之推家訓云羅浮山記云望平地樹如薺故戴嵩詩云長安樹如薺

篙師晝卧自嘯

歌戲彼挽舟行復止

言順流適意笑泝者之勞也

人生萬事反衍多

道路後先能幾何

莊子秋水篇北海若曰以道觀之何貴何賤是謂反衍注貴賤之道反復

相尋

垂虹亭

三江五湖口地與天不隔

書疏三江謂震澤之三江周禮職方揚州藪曰具區浸曰

五湖五湖即震澤也按三江者在蘇州東南三十里名三江口一江西南上七十里至太湖名曰松江古笠澤

江一江東南上七十里自蠅湖名曰上江亦曰婁江於其分江東北下三百餘里入海名曰下江亦曰婁江於其分

處號曰日月所蔽虧東西渺然白

日月蔽虧見登景德塔注漫漫浸

北斗浩浩浮南極誰投此虹蜺欲濟兩間阨

演孔圖曰天子外苦

兵威內奪臣無忠則天投蜺後漢五行志靈帝光和元年有黑氣墜溫明殿庭中身五色有頭長十餘丈似龍

上問蔡邕對曰所謂天投蜺者也

中流雜蜃氣欄楯相承翼

昭元年魚鹽蜃蛤弗

加於海。漢天文志海旁蜃氣象樓臺

初疑神所爲滅沒在頃刻

漢天馬歌走滅

沒晨興坐其上傲兀至中是猶憐變化功不謂因人力

今君持酒漿談笑顧賓客頗誇九州物壯麗此無敵熒

煌丹砂柱璀璨黃金壁

退之詩洞庭九州間厥大誰與讓。柱以丹砂塗之如赤石脂

泥壁之類壁謂壁當相如賦華櫳壁當注以玉爲椽頭當即所謂璇題玉題者也

中家不慮始

助我皆豪殖。謂予獨感此剝爛。有終極改作不可無還。

當采民力。

商君傳民不可與慮始而可與樂成。言中人之家力薄不遑慮始。助我者皆貨殖之徒也。

賈生傳豪殖而大彊注殖立也。

張氏靜居院

動者利進為靜者樂止居物性有偏得惟賢時卷舒張
侯始出仕所至多名譽老矣歸偃休買地斲荒蕪屋成
為令名名實與時俱南堂棲幽真晨起瞻像圖北堂畫
五禽游戲養形軀

華佗傳古之仙者為導引之事名五禽之戲一曰虎二曰鹿三曰熊四曰

後五曰鳥引挽要體
動諸關節以求難老燕有諸賓庭學有諸子盧問侯年

幾何矯矯八十餘問侯何能爾心不藏憂愉
唐柳公度善攝生年

八十餘尚強力常云吾初無術但未嘗以
氣海暖冷物熟生物不以元氣佐喜怒耳問侯客何爲

弦歌飲投壺問侯兒何讀夏商及唐虞嵩山填門戶洛

水繞階除侯於山水間結駟有通衢我念老退者古多

賢大夫留侯亦養生乃欲凌空虛閉門不飲酒豈異山

中臞疏傅稍喜客揮金能自娛不聞喜教子滿屋青紫

朱

漢書疏廣父子俱移病乞骸骨上以其老皆許之加賜黃金二十斤皇太子贈以五十斤廣歸日令家設

酒食請族人故舊賓客廣所愛信老人說廣買田宅廣曰此金者聖主所以惠養老臣也故樂與鄉黨宗族共饗其賜以盡吾餘日不亦可乎於是族人悅服。廣傳曰吾既無以教化子孫不欲益其過而生怨不得云不教子。疏廣之後張侯能兼取勝事古所無褒稱有樂無聞故公云爾

石丞相爲之書而我不自量聞風亦歌呼

秦嶧山碑云刻此樂石顏

師古注以泗濱浮磬作碑也

丙戌五月京師作二首

北風閣雨去不下驚沙蒼茫亂昏曉傳聞城外八九里

電大如拳死飛鳥

慶歷六年五月甲申雨電地震即此年也。漢五行志電者陰脅陽也地

節四年五月山陽濟陰雨雹如雞子
深二尺五寸殺二十人飛鳥皆死

其二

浮雲離披久不合太陽獨行乾萬物誰令昨夜雨滂沱
北風蕭蕭寒到骨

答客

士常疑西伯何至羗里辱

文王囚於羗里

瞽鰥親父子尚脫井

廩酷昏主雖聖臣飛禍安可卜致命遂其志雖窮不為

戮

舜之父曰瞽叟書堯典有鰥在下曰虞舜。史記游使傳虞舜窘於井廩。後漢周榮嘗勅妻子若卒遇

飛禍無得殞殲冀以區區腐身覺悟朝廷。困卦君子以致命遂志言身雖窮困而不干刑戮

次韻唐彥猷華亭十詠

彥猷名詢

顧林亭

寥寥湖上亭不見野王居

野王所居也顧野王梁大同中爲黃門侍郎又仕陳爲左

將軍嘗撰玉篇者梅聖俞集及劉貢父集皆有華亭十韻題云和楊令此稱唐彥猷當是林亭主人也。震宇志野王建州人仕陳爲光祿卿有宅在建安縣今此亦有之疑既顯遂不復歸鄉耳

平林豈舊物

歲晚空扶疎自古賢聖人邑國皆丘墟

易謙卦可用行師征邑國也

不朽在名德千秋想其餘

野王無足稱公羞言事理如此

寒穴

神泉冽冰霜高穴與雲平

易言山下出泉而此穴與雲平所以爲神

空山渟

千秋不出嗚咽聲山風吹更寒山月相與清北客不到此如何洗煩醒

吳王獵場

吳王好射虎但射不操戈

吳志孫權好射虎所乘馬爲虎所傷投以雙戟虎却廢常

從張武擊以戈獲之。據貢父詠獵場云水犀十萬士白羽橫彫戈若用水犀事則吳王爲夫差非孫權也

匹馬掠廣場萬兵助遮羅

沈存中觀畫馬詩四蹄雙翻掠草頭飛入平原不露土

時平事非昔此地桑麻多

高適宋中詩時清更何有禾黍遍空山

猛獸亦

已盡牛羊在田坡

始皇馳道

穆王得八駿萬事得期修

昭公十二年昔穆王欲肆其心周行天下將皆必有車轍

馬迹焉周穆王即位三十二年巡行天下馭八龍之駿

一名絕地足不踐土二名翻羽行越飛禽三名奔宵夜

行萬里四名越影逐日而行五名踰輝毛色炳耀六名

超光一形十影七名騰霧乘雲而趨八名挾翼身有肉

翅遽而駕焉案轡徐行以巡天下○穆王神智茫茫千

遠謀使轍迹遍於四海故絕異之物不期自服茫茫千

載間復此好遠遊

遠遊謂始皇也

車輪與馬跡此地亦嘗留

漢書

賈山傳秦為馳道於天下東窮燕齊南極吳楚江湖想之上濱海之觀畢至華亭吳境宜轍跡之所歷也

當治道時勞者尸如丘

言治道以備巡行死於征役者尸積如丘山甚言秦之無道也

柘湖

公自注云湖中有山生柘故名柘湖記云女子為湖神今有廟

柘林著湖山菱葉蔓湖濱秦氏亦何事能為此湖神年

年賽雞豚漁子自知津幽妖窟險阻禍福易欺人

詩意言未

必秦女能神乃幽妖假託耳

陸瑁養魚池

公自注云陸瑁仕吳為吏部尚書喜之父吳平喜仕晉為散騎

常侍

野人非昔人亦復水上居紛紛水中游豈是昔時魚

謂魚

陽橋吹波浮還沒競食糟糠餘吞舟不可見守此歲月

除莊子吞舟之魚碣而失水。詩今我不樂日月其除注除去也箋云今不自樂日月且過去不復暇爲之

華亭谷

公自注云水行三百里入松江

巨川非一源源亦在衆流此谷乃清淺松江能覆舟

荀子

云水則載舟水則覆舟言水發源處尚淺至其末派渺瀰乃能覆舟猶岷江濫觴東合百川爲稽天之浸

魚何所知上下相沉浮徒嗟大盈北浩浩無春愁

華亭水自

大盈入松江而北入海

陸機宅

故物一已盡嗟此歲年深野桃自著花荒棘自生鍼芊芊谷水陽鬱鬱崑山陰俛仰但如昨游者不可尋

機思鄉詩

云彷彿谷水陽婉婉崑山陰

崑山

公自注云世傳陸氏家生機雲故名崑山言生玉也。按吳地志云華亭水東

有崑山

玉人生此山山亦傳此名崖風與穴水清越有餘聲

禮記

聘義扣之其聲清越以長悲哉世所珍一出受敬傾不如猿與鶴棲

息尚全生

潘尼傳不能猗靡容悅出入崎傾。機以河橋之敗爲成都王穎所殺孫惠與朱誕書曰

不意二陸相攜暗朝一旦湮滅道業淪喪痛酷之深荼毒難言國喪萬望悲豈一人

三女崗

公自注云吳王葬三女於此

自古世上雄慷慨擅功名當時豈有力能使死者生

英言

雄雖有蓋世之力不能使死者復活也

三女死一丘此恨亦難平

按襄宇志吳縣

有女墳湖吳王葬女取土成湖又郡國志三女墳在郭西闔閭食蟹魚美留半賜小女女怨自殺王痛之葬於郭西文石爲槨金印銀尊悉以送又吳王女墓在閭門外山川記云夫差女年十八童子韓重私悅之王怒女結恨而死葬後重往弔之以徑寸珠匣贈重據郡國志山川記皆有吳王女墳一以爲闔閭一以爲夫差未知

孰是或二王
各有女冢也

音容若有作無力傾人城

太白巖

鄞縣時作

太白龍從東南馳衆嶺還合青分披煙雲厚薄皆可愛

樹石疎密自相宜陽春已歸鳥語樂溪水不動魚行遲

生民何由得處所與茲魚鳥相諧熙

日觀魚鳥之樂而感民生之艱。退

之祭李氏文出從
於人既相諧熙

禿山

吏役滄海上瞻山一停舟怪此禿誰使鄉人語其由一

狙山上鳴一狙從之游相匹乃生子子衆孫還稠山中

草木盛根實始易求攀挽上極高屈曲亦窮幽衆狙各

豐肥山乃盡侵牟

莊子吳王浮江登於狙之山衆狙見恂然棄而走柳子厚憎王孫文山之

小草木必凌挫折挽使之瘁然後已故王攘爭取一飽

孫之居山常蒿然漢景帝紀侵牟萬民豈暇議藏收大狙尚自苦小狙亦已愁稍稍受咋嚙一

毛不得留狙雖巧過人不善操鋤耰所嗜在果穀得之

常以偷嗟此海中山四顧無所投生生未云已歲晚將

安謀

似言天下生齒日衆吏為貪牟公家無儲積而上未盡教養之方也

贈曾子固

曾子文章衆無有水之江漢星之斗挾才乘氣不媚柔

羣兒謗傷均一口

韓詩不知羣兒愚那用故謗傷子固晚稍用神宗嘗語之曰以卿才學宜

爲人所忌也

吾語羣兒勿謗傷豈有曾子終皇皇借令不幸

賤且死後日猶爲班與揚

陳勝傳籍第令無斬服虔云籍猶借也師古曰第但也言

但令無斬也班固與楊雄也王震作子固集敘亦云先生自負要似劉向不知韓愈為何如也。公平生最多謗余嘗辨之見於所爲公集後序及建昌甯君書院記當摘取附此如荆公與段縫書云足下姑自重無輕議

類
羣之

鮑公水

水在臨川未詳鮑公何人

村南鮑公山山北鮑公水高穴逗遠源泠泠落山觚玉

色與飴味不可他味比竹樹四蒙密翠藤相披靡漫郎

昔少年幽居得之此

漫郎元次山自號也事見別注漫郎公自謂也

臨窺若有

遇愛歎無時已浮名未染汙永矢終焉爾奈何中棄入

長安十載風塵化舊顏謹囂滿耳不可洗此水泠泠空

在山

晉孫楚所以枕流欲洗其耳

寄李士寧先生

士寧本末見七言八句律詩詳注

樓臺高聳間晴霞松檜陰森夾柳斜渴愁如箭去年華
陶情滿滿傾榴花自嗟不及門前水流到先生雲外家
王右軍曰年在桑榆自然至此正賴絲竹陶寫。樂天
詠家醞詩常嫌竹葉猶凡濁始覺榴花不正真。通典
扶南傳頓遜國有安石榴取汁停盆中數日成美酒又
李義山詩我爲傷春心自醉不勞君勸石榴花。劉原
甫詞桃葉新
聲榴花美味

僧德殊家水簾求予詠

淙淙萬音落石顛

高適還山吟石泉淙淙若皎皎一派風雨桂花松子常滿地

皎皎一派

當簷前清風高吹鸞鶴唳白日下照蛟龍涎浮雲裝額

欽定四庫全書

集部

王荊公詩注卷

二十至
二十二

詳校官庶吉士

臣龍廷槐

檢討

臣何思鈞覆勘

總校官進士

臣繆琪

校對官檢討

臣盧應

謄錄監生

臣閔思紀

欽定四庫全書

王荊公詩注卷二十

宋 李壁 撰

古詩

杭州修廣師法喜堂

浮屠之法與世殊洗滌萬事求空虛師心以此不挂物

龐蘊語于頔但可空諸所有不可實諸所無即洗滌之意也。○魯直嘗言荊公學佛所謂吾以為龍又無角吾以為蛇又無足者也。余嘗熟觀其風度其視富貴如浮雲不弱於財利酒色一世之偉人也。○永安和尚云一

杜詩御榻石

絲不挂一堂收身自有餘堂陰置石雙端嶼

脚立竹青扶踈

白詩樓臺紅照曜松竹青扶踈

一來已覺心膽豁況乃

宴坐窮朝晡憶初救時勇自許壯大看俗尤崎嶇豐車

肥馬載豪傑少得志願多憂虞始知進退各一一作理

造次未可分賢愚韓詩人心未嘗同不可一理會將策

室反耕釣相與此處吟山湖

復至曹娥堰寄剡縣丁元珍曹娥堰在會稽縣東南七十二里曹

娥鄉在東北四十五里曹娥江路南來自上虞縣界經會稽界四十里北入海可容五百

石舟今詩云來自北又
云無艇子與圖經異

溪水渾渾來自北千山抱水清相射山深水急無艇子
欲從故人安可得故人昔日此水上罇酒扁舟慰行役
津亭把手坐一笑我喜滿懷君動色論新講舊惜未足
論新講舊皆指學問事落日低回已催客離心自醉不復飲秋果
寒花空滿席今年却坐相逢處怡悵難求別時迹可憐
溪水自南流安得溪船問消息

答曾子固南豐道中所寄

吾子命世豪術學窮無間直意慕聖人不問閔與顏彼

昏何為者誣構來嘖嘖

柳子厚詩秉心方的騰口任嘖嘖。韓子其鬪嘖嘖。曾子

固集有之南豐道上寄介甫詩應逮冒煩暑驅馳山水間不知何所坐也又云跋履雖云倦桑梓得暫還林僧授館舍田客扳鞍轡吾心本皎皎彼詬徒嘖嘖方投定鑑照即使征馬班

人所歎不卹我躬瘁乃嗟天澤慳令人念公卿煜煜趨

王班泊無憫世意狙猿而珮環

莊子天運今取猿狙而衣以周公之服

愛

子所守卓憂予不能攀永矢從子游合如扉上顰願言

借餘力迎浦疎潺潺

晉語夫教者因體能質而利之者也若川然有原以印浦而後大注

叩迎也若川有原因開亦有衣上塵可攀裨泰山謝承後漢

書楊喬曰猶塵附泰山露集滄海雖無補益款誠至情猶不敢嘿嘿也

大江秋正清島漱

相縈彎四盼浩無主日暮煙霞斑水竹密以勁霜楓衰

更殷謝靈運詩曉霜楓葉丹。左傳左輪朱殷注朱血色血色久則殷於閒反賞託亦云健

行矣非間關相期東北游致館淮之灣無為襲宵羸悠

矣及溫還文公五年晉陽處父聘于衛反過甯舍于逆旅甯羸氏羸謂其妻吾求君子久矣乃今得

之舉而從之陽子遂與之語及山而還注山河內溫山

寄贈胡先生

公自序云孔孟去世遠矣信其聖且賢者質諸詩書焉爾翼之先生

與予並時非若孔孟之遠也聞薦紳先生所稱述又詳於書不待見而後知其人也歎慕之不足故作是詩。胡

瑗字翼之泰州海陵人

先生天下豪傑魁

余嘗見公題王昭素易論要纂後云子嘗苦王先生易論晦而難讀徐徽

生刪取其畧以示予又取其義可傳及雖不足傳而猶可論者存之按公初於前輩宿儒猶有尊事之意故如昭素與安定皆以先生呼之其後誠排諸老畧不少假此意無復存矣

宵臆廣博天所開

文章事業望孔孟不復睥睨蔡與崔

劉夢得柳文序云雄深雅健似司馬

子長崔蔡

十年留滯東南州飽足藜藿安蒿萊

飽足者非求飽

也以藜藿為足而無慕乎其外也

獨鳴道德驚此民

韓集孟軻荀卿以道鳴者民之

聞者源源來高冠大帶滿門下奮如百蟄乘春雷惡人

沮伏善者起昔時盜蹠今騫回

神宗嘗問劉彝從學何人對曰臣少從學於安

定先生胡瑗上曰其人文章與王安石孰優彝曰瑗以道德仁義教東南諸生時王安石方在場屋修進士業又云國朝取士尚聲律文詞臣師當實元康定之間首明體用之學以授學者出其門者無慮二千餘人歐公墓表師道廢久矣自明道景祐以來學者有師唯先生與泰山孫明復徂徠石守道三人而先生之徒最盛其在湖州之學弟子去來常數百人各以其經學轉相傳授其教學之法最備行之數年東南之士莫不以仁義禮樂為學歐公詩亦云吳興先生富道德說說弟子皆賢才○墓表云先生為人師言行而身化之使誠明者達昏愚者勵

而頑傲者革先生不試乃能爾誠令得志如何哉吾願

聖帝營太平補葺廊廟枝傾頽披旒發續廣耳目照徹
山谷多遺材先收先生作梁柱以次構架楠與榱羣臣
面向帝深拱仰戴堂陞方崔嵬

公詩期先生以廊廟而
官止中允侍講而已

得子固書因寄

始吾居揚日

居揚公作僉判時時
子固未仕在臨川

重問每見及云將自

親側萬里同講習子行何舒舒吾望已汲汲窮年夢東

南顏色不可挹仁賢豈欺我正恐事維繫

詩繫之
維之

嚴親

抱憂衰生理賴以給不然航江外天寒北風急無迺山

路惡僕弱馬行澁孤懷未肯開歲物忽如蟄竭來高郵

住巷屋頗卑濕蓬蒿稍芟除茅竹隨補葺苟云禦風氣

尚恐憂雨汁

賈誼傳長沙卑濕。月令孟冬之月行秋令則天時雨汁注雨汁者冰雪雜下故

人莫在眼屢獨開巾笈忠信益未見吾敢誣茲邑

語十室之

邑必有忠信

出門誰與語念子百憂集眺聽聊自放日暮城

頭立徐歸坐當戶使者操書入

檀弓孔子當戶而坐。曲禮獻田宅者操書致

注操持也時開識子意如渴得美湑

曲禮釂之序徧祭之注云公食大夫禮魚腊湑

醬不祭湑音泣驪駒日就道玉手行可執舊學待鐫磨新文得

刪拾重登城頭望喜氣滿原隰

驪駒逸詩大戴禮客欲去歌之其辭云驪駒在

門僕夫具存驪駒在路僕夫整駕。詩執子之手兮

寄虔州江陰二妹

貢水日夜下下與章水期我行二水間無日不爾思

地理

志章水出贛縣西南而北入江蓋控引衆流總成一川雖稱謂有殊言歸一水也故字從章從貢 飄若

越鳥北心常在南枝

選詩胡馬依北風越鳥巢南枝注云皆思舊

又如岐首

蛇南北兩欲馳

退之赴江陵途中詩有蛇類兩首又嶺表錄異記兩頭蛇嶺外多有此有如小

指大者長尺餘腹下鱗紅背錦文一頭有口眼一頭似頭而無口眼爾雅北方有比肩民焉迭食而迭望中有

枳首蛇焉此四方中國之異氣也注枳岐也

逝者日已遠百憂詎能追生存

苦乖隔邂逅亦何時女子歸有道善懷見於詩庶云留

汝車慰我堂上慈

古詩我行日已遠謂二妹之所從也韓詩死者已渺茫生者困乖隔。

載馳女子善懷亦各有行。潘安仁賦太夫人在堂讀此詩知公於友愛最隆也

登越州城樓

越山長青水長白越人長家山水國可憐客子無定宅

一夢三年今復北

林和靖詩吳山青越山青

浮雲縹緲抱城流東望

不見空回頭人間未有歸耕處早晚重來此地遊

作鄭邑滿

秩而歸。公眷眷於
鄞猶愛桐鄉之意

憶昨詩示諸外弟

憶昨此地相逢時春入窮谷多芳菲短垣困困冠翠嶺

襄二十七年盧蒲嫫攻崔氏崔氏堞其宮而守之注堞短垣也躑躅萬樹紅相圍幽花

媚草錯雜出黃蜂白蝶參差飛此時少壯自負恃意氣

與日爭光輝

退之送李愿序妒寵而負恃退之少年意真狂有意與春競

乘閒弄筆

戲春色脫落不省旁人譏坐欲持此博軒冕肯言孔孟

猶寒飢丙子從親走京國浮塵全並緇人衣

公生天禧五年辛酉

至景祐三年丙子年十六。左太冲吳都賦僊佻全並
注全步寸切疾走貌相如弔二世曰全入曾宮之差我
全即明年親作建昌吏四月挽船江上磯
說文石激端

並也居感慨忽自寤青天閃爍無停暉男兒少壯不樹立挾

此窮老將安歸吟哦圖書謝慶弔坐室寂寞生伊威材

疎命賤不自揣欲與稷契遐相希
史記蘇秦見齊王仰而慶俯而弔齊王曰

是何慶弔相隨之速也。東山詩伊威在室。揚雄傳
惟寂寞自投閣。後漢孔融傳融材疎意廣迄無成功

○杜詩許身一何愚竊比
稷與禹希如希顏之希
昊天一朝畀以禍先子泯沒

予誰依精神流離肝肺絕背血被面無時晞母兄呱呱

泣相守三載厭食鍾山薇屬聞降詔起羣彥遂自下國

趨王畿刻章琢句獻天子鈞取薄祿歡庭闈

楚公寶元二年薨

唐張巡傳尹子奇曰聞公督戰輒背裂血面嚼齒皆碎。晞乾也。書益稷啟呱呱而泣。杜詩不厭北山薇。楚公通判江寧卒官諸子遂家焉。晉東哲補亡身詩春戀庭闈心不遑安李善注云庭闈親之所居也

著青衫手持版奔走卒歲官淮沂

晉王坦之見桓溫倒持手版。公慶厯二

年楊寘榜進士甲科授揚州僉判

淮沂無山四封庫獨有廟塔尤巍

時時憑高一悵望想見江南多翠微歸心動蕩不可抑

霍若猛吹翻旌旂

爾雅山中絕曰陁未及上曰翠微又一說山葉青縹色曰翠微。白詩自

言拜別主人後離
心蕩颺風前旂

騰書漕府私自列仁者惻隱從其祈

暮春三月亂江水

梁丘遲與陳伯之書暮春三月江南草長。詩公劉涉渭為亂注絕流曰

勁櫓健帆如轉機還家上堂拜祖母奉手出涕縱橫

揮退之董生行上堂問起居。曲禮長者與之提攜則

兩手奉長者之手。公登第入官後始以漕檄自維揚汴江至撫州時公祖母燕國夫人謝氏尚無恙楚公名用之妻也出門信馬向何許城

郭宛然相識稀

退之詩只知聞信馬。丁令威城郭雖是人民非

永懷前事不

自適却指舅館排山扉當時髻兒戲我側于今冠佩何

頎頎

楚公先娶徐再娶吳氏所指舅館吳氏也介甫吳出。離騷云高余冠之岌岌兮長余佩之陸離。

詩碩人頌頌 沉復丘樊滿秋色蜂蝶摧藏花草腓繳前句也詩秋日淒

淒百卉具腓。高適詩大漠窮秋草木腓令人感嗟千萬緒不忍倉卒回驂

駢留當開樽強自慰邀子劇飲毋子違禮天子六馬左右驂三公九卿

駢馬右駢漢制九卿則中二千石亦右駢。曹子建責躬詩駢駢倦路載寢載興。採訪使韓宗約孟浩然偕至京師欲薦諸朝會故人至劇飲歡甚或曰君與韓公有期浩然曰業已飲遑恤他卒不赴

澶州澶淵之役曹利用自天雄赴敵寨共議和事敵乃遣左飛龍使韓杞持書與利用俱

還其書以闕南故地為請杞入對行官之前殿上謂輔臣曰所言歸地事極無名必若邀求朕當決戰儻歲以金帛濟其不足朝廷之體固亦無傷杞即日入辭與利用同往既至

敵寨復以闕南地為言利用固爭之謂曰若
北朝恣其邀求地固不可得兵亦未易息也
其國主意稍急但欲歲取金帛利用許遺絹
二十萬匹銀一十萬兩議始定初利用再使
虜也面請歲賂金帛之數上曰必不得已雖
百萬亦可利用辭去冠準召至幄次語曰雖
有勅旨汝往所許不得過三十萬過三十萬
將斬汝利用果以三十萬成約而還公有澶
州兩詩此詩似少貶和議雖
託野老之言其實公意也

津津河北流薛薛兩城峙

澶州黃河在其南王莽河在其北樊城在其南戚城在其

北故公前詩云河流中間兩城峙又云南城草草不
受兵北流樓櫓如邊城今云北河流兩城峙亦謂此春

秋諸侯會澶淵乃其地

襄公三十年晉人齊人宋人云
公會于澶淵宋災故注未有言

其事此言宋災故以惡宋人不克已自責而出會求財

書留後世法豈獨譏當世

野老豈知此為子談近事邊關一失守北望皆邊騎黃

屋親乘城穹廬矢如蝟

景德元年閏九月契丹與其母舉國入寇自定州駐陽城淀遂

緣蒹蘆河踰關南攻瀛州又乘虛抵貝冀天雄軍攻天雄不下進陷清德軍益南侵直犯澶州大陣。黃屋見上注漢高祖紀堅守乘城乘登也。匈奴傳匈奴父子同穹廬而卧師古曰穹廬旃帳也其形穹隆故曰穹廬。車駕駐蹕澶州南城寇準固請幸北城曰陛下不過河則人心危懼敵氣未懾非所以取威決勝也既至登北城門樓張黃龍旗諸軍皆呼萬歲聲聞數十里氣勢百倍敵自是震駭請和不復交鋒矣詩云穹廬矢如蝟益指射殺撻覽時事然撻覽紛紜擅將相誰為開長利死實在前非乘城以後事也

開長利言將相雖多無能為中國建長利者此意似不以和為然

焦頭收末功尚足誇

一是

霍光傳初霍氏奢侈茂陵徐生上書三上輒報聞後霍氏誅人為徐生上書有曰曲突徙薪無恩澤

焦頭爛額為上客上迺以福為郎。尚足誇一是此言萊公之功亦救之末流然此意益甚正非如諧者孤注之比蓋公前詩已有不足於萊公之意謂人主越都邑而謀遠以萬乘之尊當不測之敵先所稱功第一者與此語雖異而意實同。莊子齊物論此亦一是非彼亦一是非

歡盟自此數日月行人

至行人使者也周官有大行人掌大賓之禮及大客之儀

馳迎傳馬單走送牛車

獎征求事供給廝養猶珍麗

漢昭帝紀補邊郡三輔傳馬張晏曰驛馬也。廝養

字見史記蘇秦傳又前漢張耳傳有廝養卒蘇林曰廝取薪者也養養人者也師古曰廝音斯

戈甲久

已銷澶人益憔悴

澶人益憔悴此言敵雖已和而中國益困弊

能將大事小

自合文王意語翁無歎嗟小雅今不廢

孟子惟仁者為能以大事小是

故湯事葛文王事昆夷。詩小雅盡廢則四夷交侵中國危矣萊公之功管仲之功也以後世論之不可謂不大故詩有一是之語然揆以聖人規模則不然必也以天保以上治內采薇以下治外雖有獫狁安得遽至中原乎如小雅盡廢則政事所以自治者俱亡四夷安得而不交侵中國安得而不微弱縱能救之於已亂雖使中國之人不至被髮左衽特賢乎列國之諸侯耳格以聖人之法何足道哉詩有焦頭及小雅之說大抵意出是於

寄平甫弟衢州道中

淺一作溪受日光炯碎野林參天陰翳長幽鳥不見但

聞語小梅欲空猶有香長年無可自娛戲遠遊雖好更

悲傷安得冬風一吹汝手把詩書來我傍

杜集百丈潭詩清見光炯

碎。唐韓偓詩每日在南亭南亭似僧院人語靜先聞鳥啼深不見

王荊公詩注卷二十

欽定四庫全書

王荊公詩注卷二十一

宋 李壁 撰

古詩

寄慎伯筠

或云王逢原作

世網掛士如蛛絲大不及取小綴之

呂氏春秋湯祝網曰蛛蝥作網今人

效之。李白詩獵家張兔置不能掛龍虎所以青雲人高歌在岩戶即公此意也

宜乎個儻不

低斂醉脚踏倒青天低

呂居仁詩未須極軒昂且須就低斂

前日才能始

誰播一口驚張萬誇和雷公訴帝喘欲吹咸恐聲名塞

天破

退之陸渾山火詩夢通上帝血面論又云雷公壁山海水翻又寄崔立之詩喘如竹筒吹

文章

喜以怪自娛不肯裁縮要有餘多為峭句不姿媚天骨

老硬無皮膚

魏志方技管輅傳去良樂百八十里不得騁天骨起風塵。袁宏三國名臣贊天骨

秀朗人傳書染莫對當破卵驚出鸞鳳翔人間下筆不肯

屈鐵索急纏蛟龍僵

退之石鼓歌金繩鐵索鎖紐壯。杜詩鬱鬱三千字岌業蛟龍纏

少年意氣強不羈虎脇插翼白日飛欲將獨立誇萬世

笑謂李白為癡兒

韓詩外傳曰周書云為虎傅翼將飛入邑擇人肉而食。大兒孔文舉小

兒揚德祖
襴衡語

四天無壁才可家

司馬相如傳家徒四壁立
退之文洞庭汗漫粘天

無壁醉膽憤痒遣酒拏欲偷北斗酌竭酒力拔太華鑣鯨

牙

項羽歌力拔山兮氣蓋世。退之調張籍詩刺手
拔鯨牙舉瓢酌天漿又瞻相北斗柄兩手自相援世

儒口軟聲似蠅好於壯士為忌憎我獨久仰願一見浩

歌不敢兒女聲

石鼎聯句時於蚯蚓竅微作蒼蠅
聲。韓文彼婉孌者實憚吾曹

望皖山馬上作

亘天青鬱鬱千峯互嶠崿放馬倚長崖煙雲爭吐沒遠
疑嵩華低近豈潛衡匹奚為鮮眺覽過者輒倉卒吾將

凌其巔震蕩睨溟渤旁行告予言世孰於此忽遽深不
可俯儲藏盡妖物踴躍狼虎羣蜿蜒蛇虺窟惜哉危絕
山歲久沈汨沒誰將除第塗萬里遊人出

此詩疑非
荆公作

汝癭和王仲儀

梅宛陵集亦載此詩未知誰作
按汝水出河南梁縣勉鄉西天

息山鄜道元注今汝水西出魯陽縣之大猛
山黃柏谷岩嶂深高山岫邃密石徑崎嶇人

跡裁交西即
盧氏界也

汝水出山險汝民多病癭

嵇叔夜養生論頸處
險而癭齒居晉而黃

或如鳥

糧滿或若猿噉並

大宛傳鳥噉音銜爾雅亢鳥隴其糧
噉釋曰亢者鳥喉嚨也其受糧處名

素寓鼠曰噉釋曰寓木之獸謂獼猴之類及鼠皆曰噉郭云頰裏貯食處也又王延壽王孫賦口噉呷以齡猛

女慙高掩襟男大闊裁領

東坡詩闊領先裁蓋瘻衣

飲水疑注壺吐

詞侔有梗樗里既已聞杜預亦不幸秦人號智囊吳瓠

掛狗頸

樗里疾滑稽多智秦人號曰智囊疾所居里有樗樹又滑稽之形如瓠宜亦取瘻也。晉杜預

傳初攻江陵吳人知預病瘻憚其智計以瓠繫狗頸示之每大樹似瘻即斫使白題曰杜預及城平盡捕殺之

臍赬常柱頤

說苑田單攻翟三月不克謠曰大冠如箕長劍柱頤

衿行安及脰抵

欲仰問天無由俯窺井挾帶歲月深冒犯風霜冷厭惡

雖自知剖割且誰肯

魏畧曰賈逵因與校尉爭不得理乃發憤生瘻欲割之魏太祖教曰

十人割瘻九人死。南史朱齡石傳舅蔣氏頭有大瘤齡石同眠密割之即死。不惟羞把鏡仍

亦愁弔影內療煩羊靨外砭廢針穎

本草療氣瘻方羊靨一具去脂含汁

盡去之便差

在木曰楠榴剗之可曰皿

吳張紘傳見楠榴枕愛其文為作賦公有

宿木瘤僧舍詩疑榴字或是瘤。左太冲吳都賦楠榴之木相思之樹注云楠榴木之盤結者其盤節文尤可以作器建安所出最長大也。榴音留陸龜蒙夜坐詩云瘻木杯杉贅楠瘤剗得來。皿說文食飲之用器也。金樓子曰西域有瘻藤可以酌酒自有文章映徹可愛其大如杯楠瘤之皿亦此類也。此誠無所用

既有何能屏膨脝厠元首臃腫異顱頂

豕腹脹膨脝石鼎聯句。莊子

擁腫之與居

難將面目施可與胞胎逞賢者臨汝守世德調

金鼎

仲儀之父文正公旦相仁宗

珉俗雖醜乖教令日脩整風土恐

隨改晨昏憂屢省儻欲覲慈顏名城不難請

三月十日韓子華招飲歸城

清明曉赴韓侯家自買白杏丁香花

唐詩枝頭白杏花

雀眼塗

金銀篋籠

杜詩赤墀櫻桃枝隱映銀絲籠

貯在當庭呼舞娃舞娃聊捧

笑向客不顧插壞新烏紗朝來我舍報生子賀勸太白

浮紅霞

班固敘傳引滿舉白左思吳都賦飛觴舉白注太白盃名

酒狂有持梧桐板

暴謔一似漁陽搥袒褐擊鼓襴處士當時偶脫猛虎牙

褊衷不容又何益鸚鵡洲上空蒹葭

左思吳都賦暴謔中酒而作注鄱陽

郡人性多躁急酒半酣之時好為暴惡之戲。後漢曹操欲見禰衡衡稱病不往操懷忿而以其才名不欲殺之乃召為鼓吏文士傳載魏武帝八月朝會大閱試鼓節鼓吏度者皆當脫故衣著岑牟單絞及小幘衡既度不肯易吏呵之衡便止當武帝前先脫幘次脫餘衣裸立徐徐著岑牟次著單絞後著幘顏色無怍乃擊鼓作漁陽摻搥聲甚悲壯操笑曰本欲辱衡衡反辱孤衡本傳云孔融愛衡才數稱述於曹操今衡求自謝衡許往乃手持三尺抗杖坐大營門以杖箠地大罵操怒曰此人素有虛名遠近將謂孤不能容之於是遣人送之劉表。莊子幾不免虎口。衡復侮慢劉表表恥不能容以江夏太守黃祖性急故送衡與之祖善待之嘗持其鵠者射舉酒於衡請衡賦之衡攬筆而作文無加點辭

采甚麗後祖大會賓客衡言不遜祖恚遂殺之鄂州志
鸚鵡洲在江夏縣黃祖殺禰衡於洲上後人以衡嘗賦
鸚鵡因為洲名。余嘗謂衡豈狂病者哉見操勢日張
宗國將覆恨力劣不能為漢誅賊耳漁陽搥撾聲節悲
壯蓋陰寓其意有諸中必形諸外者也操多所通解宜
必識之史又稱聽者莫不慷慨此尤操所深惡笑言衡
反辱孤姑許之裸身等耳又懼衆覺必笑而言奸雄情
狀千載可見所謂嘻笑之怒甚於裂眦衡欲免得乎正
平身廟虎牙豈不知操終必殺已惟其忠於王室而力
不逮寧嬰齒怒以洩其憤誼之所激雖死不顧風烈
然實黨錮人物之餘世第以文人目之豈知衡哉

勿去草

或云是楊次公詩

勿去草草無惡若比世俗俗浮薄君不見長安公卿家

公卿盛時客如麻

文選死如亂麻

公卿去後門無車

鄭當時與汲黯

列為九卿兩人中廢賓客益落又下邳翟公為廷尉賓客亦填門及廢門外可設爵羅後復為廷尉賓欲往翟公大署其門曰一死一生迺知交情一貧一富迺知交態一貴一賤交情迺見惟有芳草年年

佳又不見千里萬里江湖濱觸目悽悽無故人惟有芳

草隨車輪一日還舊居門前草先鋤

蜀志先主殺張裕曰芳蘭當門不得

不鋤齊江斲聞江夏王鋒死亦曰芳蘭當門不得不鋤

草於主人實無負主人於

草宜何如勿去草草無惡若比世俗俗浮薄

此詩言客負主人主

人亦時負客皆以識道喪俗薄上下胥失也蓋自公罷相凡昔之門生故吏舍之而去者多矣又從而下石焉

如呂惠卿者蓋其尤也公之卒也張芸叟為詩以弔之曰今日江南從學者人人諱道是門生及紹聖後崇尚新學以公配享先聖前日舍之而去者至是復還故無名子嘲之曰今日江南從學者人人爭道是門生觀公此詩蓋有所激而云也士固可罪然知人亦難矣

東城

昔予出東城初見壟上耕

陳勝傳輟耕之壟上注謂田中之高處

忽忽日

北至歲月良可驚雖云一草死萬物尚華榮誰能當此

時歎息微陰生

孟夏之月靡草死注薺葶藶之屬四月純陽之月此言北至則指仲夏連言之

也。五月一陰生言見微知著睹盛知衰者難得也此詩當作於仁英之時

哀賢亭

黃鳥哀子車強埋非天為

馬融傳死國埋名。詩黃鳥秦穆公以三良從死子車三

良之一也殉葬故云強埋。詩天實為之

天奪不待老還能使人悲

宣公十五年劉

康公曰不及十年原叔必有大咎天奪之魄矣

馬侯東南秀鞭策要路馳歸骨

萬里州乃當強壯時

馬侯馬遵也死時四十八饒州樂平人景祐元年及第嘗漕福建又

知開封以御史為江淮六路發運判官後還臺彈奏宰相梁適出知宣州復召為司諫旋卒。成公三年知營

謂楚王曰累臣得歸骨于晉

墓門閉空原白日無履綦

陳風有墓門之詩。漢滕

公石柳銘曰佳城鬱鬱三千年見白日張景陽詩庭無貢公綦

蒼蒼柏與松浩浩山風

吹我初羞夷吾鮑叔亦我知終欲往一慟詠言慰孤嫠

我初羞夷吾如羞道桓文之羞也。揚雄解嘲五尺童子羞比晏嬰與夷吾。史記管仲少日與鮑叔牙游鮑叔知其賢管仲貧困常欺鮑叔叔終善遇之仲曰生我者父母知我者鮑子也

梁王吹臺

梁孝王廣睢陽七十里大治宮室為複道自宮連屬于平臺三十餘里注

平臺在大梁東北離宮所在也師古曰今城東北角有鼓臺基其處寬博故俗云平臺大抵吹臺平臺繁臺名雖異而其實一也。輿地記繁臺本漢梁王鼓吹臺梁太祖嘗閱武於此因改為講武臺其後有繁氏居其側又號繁臺。寰宇記云吹臺在縣南五里陳留風俗傳縣有蒼頡師曠城其城上有列仙吹臺梁武王亦增築焉梁開平元年改繁臺為

講武臺此即吹臺也其後有繁氏居其側里人乃以呼之

繁臺繁姓人埋滅為蒿蓬況乃漢驕子魂遊誰肯逢緬

思當盛時警蹕在虛空

梁王傳得賜天子旌旗從千乘萬騎出稱警入言趣漢儀注皇

帝輦動左右侍帷幄者稱警出殿則傳蹕止人清道也

蛾眉倚高寒環珮吹玲瓏

大梁千萬家回首雲濛濛仰不見王處雲間指青紅

杜詩

不知二聖處空泣百歲翁

賓客有司馬鄒枚避其鋒灑筆飛鳥上為

王賦雌雄

相如為郎會景帝不解辭賦孝王來朝從齊人鄒陽淮陰枚乘之徒相如見而悅之因病

免客游梁居數歲乃著子虛之賦。宋玉風賦此大王之雄風

惜今此不傳楚辭擅無

窮空餘一丘土千載播悲風

楚詞有淮南王安招隱等篇孝王好文與一時賓客

詞人之盛皆不減安而獨無傳焉故公云耳。高適詩梁王昔全盛賓客復多才悠悠一千年陳迹惟高臺寂寞向秋草悲風千里來

靈山寺

張芸叟南征錄靈山在太平州繁昌縣東二十里寺踞山頂殿閣重複土俗云

靈山寺又杜牧之有題靈山寺行堅師院詩

靈山名誰自波濤截孤峯何年佛子住四面憑危空折

椽與裂瓦委棄填西東庫廊行抑首居者莽誰容

叔孫通傳

皆伏抑首

吾舟維其側落日生秋風瞰崖聊寄目萬物極纖

穠震蕩江海思洗滌堙鬱中胡為嬉遊人過此無留蹤

景豈龍遊殊

龍遊即金山寺名

盛衰浩無窮吾聞世所好樓殿

浮青紅

杜詩紅遠結飛樓。退之題衡嶽門樓詩粉牆丹柱動光彩鬼物圖畫填青紅

那知山

水樂豈在豪華宮世好幻變爾感激難為工

公詩意謂靈山之景

不讓金山而彼特盛如此且言世但知樓觀之勝而不知山水之趣

白鷗

呂獻可首彈公後來劉莘老諸人力排變法最後唐炯廷斥公尤切恐詩意指此

江鷗好羽毛玉雪無塵垢滅沒波浪間生涯亦何有

杜詩

白鷗波浩蕩

雄雌屢驚矯機弋常紛糾

宋荅公詩蝸頭狼藉爭鋒地鴻影裴徊避

弋
天顧我獨無心相隨如得友飄然紛華地此物乖隔久

白髮望東南春江綠如酒

韓詩採蘭起幽念眇然望東南。歐詩南浦波紋如酒綠

○坡詩春江
綠漲蒲萄醅

詠風

風從北海起至此南海上

莊子蛇謂風曰予動吾脊脅而行則有似也今子蓬蓬然起於

北海蓬蓬然入於南海而似無有何也

問風來何事去復欲何向誰遣汝

而號誰應汝而唱

莊子大塊噫氣其名為風是惟無作作則萬竅怒呿又前者唱于而隨者

唱汝於何時息汝作無乃妄風初無一言試以問雲將

莊子外篇在宥雲將東遊過扶搖之枝而適遭鴻濛曰朕欲有問也又曰天氣不和地氣鬱結六氣不調四時不節令我願合六氣之精以育之為之奈何注扶搖風也。此詩似指當時爭論者

白雲

英英白雲浮在天下無根蒂旁無連

根蒂一作根著晁錯傳根著之徒無

不載也。詩白華英英白雲露彼菅茅。退之聽琴浮雲柳絮無根蒂列子五山之根無所連著公自況拔起於江南自為天子所知也西風來吹欲消散落日起望心悠然願回

羲和借光景常使秀色當簷邊

左思賦魯陽操戈而高麾回曜靈於太清李白

詩願借羲和景為人照覆盆西風來吹亦似謂羣言交攻羲和言日借以喻神考

時來不道能

為雨直以無心最可憐

江鄰幾邀觀三館書畫

按鄰幾名休復開封陳留人歐公銘其墓嘗獻

其所著書名試充集賢校理判尚書刑部當慶厯時小人不便大臣執政者欲累以事去之君友蘇子美杜丞相壻也以祠神會飲得罪一時知名士皆被逐君坐落職監蔡州稅後得通判廬州復校理集賢判吏部南曹為羣牧判官公時同在館中蓋鄰幾再召時也

五月初府始曝書一日江君來約予世間雖有古畫筆

可往共觀臨石渠我時冒熱跨馬去開廚發匣鳴鏤魚

芝田錄門鑰必以魚者取其不瞋目守夜之義義獻墨跡十一卷水玉作軸排

疏疏

山海經常庭山有水玉注水玉今水晶也司馬相如子虛賦水玉磊砢

最奇小楷樂

毅論永和題尾付官奴

林子中記樂毅論後有昇僧權二人名題云永和四年十二月

二十四日書賜官奴官奴王子敬小字前輩稱字莫難於小雖王氏亦止有樂毅論一篇

又有四山

絕品畫戴嵩吳牛望青蕪李成寒林樹半枯黃筌工妙

白兔圖

唐畫錄戴嵩嘗畫山澤水牛之狀窮其野性筋骨之妙在妙品下滿奮謂晉武帝曰臣猶吳牛

見月而喘注云今之水牛多生江淮間故謂之吳牛也。按李成字咸熙本唐宗室開寶間貴人馳書延請成多不答自娛而已。唐畫錄畫山水唯營丘李成長安關同華原范寬智妙入神才高出類三家鼎峙百代標程又云氣象蕭疎烟林清曠毫鋒穎脫墨法精微者營丘之製也。林子中言館中黃筌白兔圖一軸最妙李

吳贊笙畫獻蜀主孟昶生日昶卯生也

不知名姓兒人物二公對奕旁觀

俱黃金錯鏤為投壺粉幃復畫一病夫後有女子執巾

裾床前紅毯平火爐床上二妹展氍毹遶床屏風山有

無堂上列畫三重鋪此幅巧甚意思殊孰真孰假丹青

摹世事若此還可吁

退之不得畫師來兒取。岑參蓋將軍歌軍中無事但歡娛暖屋繡

簾紅地爐織成壁衣花氍毹燈前侍婢瀉玉壺氍毹毛褥也。退之桃源圖詩世俗寧知偽與真。最後所稱乃白公所賦重屏圖也。按此詩梅宛陵集亦有未知果誰作竊疑詞氣近類聖俞也

衆人

反復此詩意必是舉朝爭新法時所作

衆人紛紛何足競是非吾喜非吾病頌聲交作莽豈賢

四國流言且猶聖

漢平帝贊政自莽出休徵嘉應頌聲並作至乎變見民怨莽亦不能文也

○小雅狼跋周公攝政遠則四國流言近則王不知周大夫美其不失其聖也唯聖人能輕重

人不能銖兩為千鈞乃知輕重不在彼要知一作美惡

由吾身

不能銖兩為千鈞不逃一實。不在彼謂聖賢不恤毀譽惟自修而已。後漢書仁義豈有常

蹈之則為君子背之則為小人

河北民

河北民生近二邊長苦辛

選詩坎圻長苦辛二邊謂遼人西夏家家養子

學耕織輸與官家事餽鄰國今年大旱千里赤州縣仍催

給河役

河役言官役不以旱而弛也

老小相攜來就南南人豐年自

無食

河北人過河南逐熟疑富公在青州時。東坡表云積欠十年豐凶皆病農民固有以豐年為苦者

為誅取勾乞之多何但無食也

悲愁白日天地昏路傍過者無顏色汝

生不及貞觀中斗粟數錢無兵戎

唐太宗貞觀四年天下大治蠻夷君長帶

刀宿衛天下大稔米斗三四錢行旅不齋糧少陵夏日歎眇然貞觀初難與數子偕

君難託

槿花朝開暮還墜妾身與花寧獨異

莊子朝菌不知晦朔注菌一名舜英

一云木槿也

憶昔相逢俱少年兩情未許誰最先感君綢繆

逐君去成君家計良辛苦人事反復那能知讒言入耳

須臾離嫁時羅衣羞更著如今始悟君難託君難託妾

亦不忘舊時約

古詩君心雖淡薄妾意正悽託或言此詩恐作於神考眷遇稍衰時詞意殆不

類平日所為兼神考遇公終始不替況大臣宜知事君之義必不為此怨尤也

王荊公詩注卷二十一

欽定四庫全書

王荊公詩注卷二十二

宋 李壁 撰

律詩

欣會亭

數家鄰水竹一塢共雲林晚食靜適已

晚食見寄吳氏女注獨謠

欣會心

韓詩無人坐獨謠

移床隨漫與操筴取幽尋未愛神錐

汝猶憐妙斲今

今一作琴。晉祖納謂梅陶鍾雅君汝穎之士利如錐我幽冀之士鈍如椎持

我鈍椎捶君利錐皆當推矣陶雅並稱有神錐不可槌納曰既有神錐必有神槌

東臯

起伏晴雲徑縱橫暖水陂草長流翠碧花遠沒黃鸝

草長

謂草色彌望而長惟用長字故覺流字工亦猶用遠字方見沒字妙翠碧黃鸝借言顏色也少游亦嘗用楚

製從人笑吳吟得自怡東臯興不淺游走及芳時

叔孫通傳

短衣楚製。吳吟如吳趨行之類陸機吳趨行曰四坐並清聽聽我歌吳趨崔豹古今注曰吳趨曲吳人以歌其地或云以歌其風土也

歲晚

月映林塘澹天涵

當作風含

笑語涼俯窺憐綠淨小立佇幽

香攜幼尋新韻扶衰坐野航

爾雅注韵運實也

延緣久未已歲

晚惜流光

莊子延緣葦間。漫叟詩話云荆公定林後詩精深華妙非少作之比嘗作歲晚詩自以

此謝靈運議者以為然。王立之詩話云山谷小立近幽香與荆公小立佇幽香韻聯頗相同當是暗合耳

半山春晚即事

春晚取花去酬

一作遺

我以清陰翳翳陂路靜交交園屋

深

翳翳交交皆言清陰也

床敷每小息杖屨亦

一作或

幽尋惟有北

山鳥經過遺好音

寶積經亦不為求天王女及諸衣食牀敷事

歌眠

翠幙卷東岡歌眠月半牀松聲悲永夜荷氣馥初涼清

話非無寄幽期故不忘扁舟亦在眼終自懶衣裳

杜詩地僻

嬾衣裳言雖有江湖之興而深居不出尤高也

露坐

露坐看溝月飄然風度荷珠跳散作點金湧合成波芳

歲老易晚良宵閒獨多秋風不成寐吾樂豈絃歌

一作老失

芳歲易靜知良夜多陵秋久不寐

山行

出寫潺湲

一作清淺

景歸穿蒼翠陰平頭均楚製長耳嗣吳

吟

古樂府平頭奴子提筐箱言皆楚製主僕無辨。平頭既斥奴長耳則驢也長耳字見宋袁淑驢山公九

錫文。王濟好作驢鳴恐取此意

暮嶺已佳色寒泉仍好音誰同此真

意倦鳥亦幽尋

題零祠堂

公自注云在寶公塔院

斯文實有寄天豈偶生才一日鳳鳥去千秋梁木摧煙

留衰草恨風造暮林哀

莊子恐其愛已而造哀也

豈謂登臨處飄然

獨往來

臨川李子經謂此詩屬王逢原恐非按公父子皆以經術進當時頌美者多以為周孔或曰孔

孟范鏜為太學正獻詩云文章雙孔子術業兩周公大喜曰此人知我父子元澤卒公辭相位歸金陵楊元素當制亦云俄屬伯魚之逝遽興王導之悲觀此所述公既處之不疑以鳳鳥梁木擬元澤無怪也又嘗作公真贊云列聖垂教參差不齊集厥大成光于仲尼

定林院

漱甘涼病齒坐曠息煩襟因脫水邊屨就數牀上衾但留雲對宿仍值月相尋真樂非無寄悲蟲亦好音

送張甥赴青州幕

益公長女適工部侍郎張奎此即奎子

人情每期費

期費出莊子已見別注

之子適予心老饑城東陌悲

分歲暮襟少留班露草遂往隔雲林未覺青丘遠因風

嗣好音

送張宣義之官越幕二首

會稽游宦鄉海物錯句章

顏師古注漢書云會稽山名本茅山禹於此會諸侯之計

因名會稽。書海物惟錯。漢地理志會稽郡有句章縣。

土潤箭萌美水甘茶串香

爾雅曰東南之美有會稽之竹箭焉箭萌者箭竹之笋也。陸贄傳張鎰餉錢百萬止受茶一串

君今

肯

一作今君誠

暫屈他日恐難忘唯有西興渡靈胥或怒張

西興在越州吳越春秋曰吳賜子胥劍而死
乃投之江中子胥因揚波成濤隨潮往來

其二

誰謂貴公子乃如寒士家真宜舉敦樸已自勝浮華洲

荻藏迷子溪篁擁若耶相望只在眼音問莫言賒

迷子洲屬

昇州見七言律詩注此公自言若耶溪屬越州見絕句
注此以言張故末句云相望只在眼耶以對子又見公
詩律之精也

送贊善張君西歸

名軒民

柴荆雀有羅

此必公罷相家居時也故言柴荆雀羅見上注

公子數經過邂逅

相逢晚

逢一作知

從容所得多百憂生暮齒一笑隔滄波早

晚西州路遙聽下坂珂

珂從車葬也。庾信竹枝賦別有九棘龐眉三槐暮齒

送鄧監簿南歸

名鑄公之故人自臨川至金陵省公留踰月公作此詩送之又

錄雜詩一卷與鄧

時元豐六年秋也

不見驪塘路茫然四十春

鄧臨川人驪塘在撫州鄧家有刻石茫作芒字觀四十春

之語則公去其鄉甚早

長為異鄉客每憶故時人水閣公三世雲

浮我一身濠梁送歸處握手但悲辛

世尊問波斯匿王云汝今年幾荅云

八十世尊云此恒河水汝是幾年見荅云二十佛又云汝今八十與二十歲所見是同是異荅云一同佛云汝

之見性亦復如是。維摩經是身如浮雲須臾變滅

秋夜二首

客卧書顛倒蟲鳴坐寂寥殘燈生暗暈重露集寒條真
樂閒尤見深禪靜更超此懷無與晤擁被一作鼻一長謠

其二

幔逗長風細窗留半月斜浮煙暝綠草泣露冷黃花獨
曳緣雲策重光殿賦緣雲上征仍尋度水槎歸時夜參半鄰犬靜

中譁登樓賦夜參半而不寐

徑暖

徑暖草如積山晴花更繁縱橫一川水高下數家村靜

越雞

一作鳩

鳴午荒尋犬吠昏歸來向人說疑是武陵源

復齋漫錄云荆公詩靜憩鳩鳴午學者謂公取唐詩一鴈鳴午寂雙燕話春愁之句余嘗見東坡手寫此詩乃是靜憩雞鳴午讀者疑之益不知取唐人詩楓林社日鼓茅屋午時難。詩話云公自言武陵源不甚好韻中別無韻也

晝寢

公自注云甲子四月十七日午時作據甲子為元豐七年公是年屬疾秦乞以宅為

寺疾愈僦居城中

井逕從蕪漫青藜亦倦扶百年惟有且萬事總無如

詩匪

且有且注且此也梵志出家白首而歸鄰人見之棄置
曰昔人尚存乎梵志曰吾猶如也昔人非昔人也

蕉中鹿驅除屋上烏

列子穆王篇鄭人有薪於野者遇駭鹿擊而斃之恐人見之也遽而

藏諸隍中覆之以蕉不勝其喜俄而遺其所藏之處遂以為夢焉。此掃除外累也劉向說苑愛其人者煎屋

上之獨眠窗日午往往夢華胥

莊子黃帝篇帝退而閒居天庭之館齋心服形

三月不親政事晝寐而夢游於華胥氏之國

泝棧

一作過故居

泝棧開新屋扶輿遠故園事遺心獨寄

獨寄謂此心如寄雖應物而未

嘗留也 路翳目空存野果寒林寂蠻花午簾溫難忘舊時

處欲宿愧桑門

言不能無累於物浮屠不三宿桑下又後漢書楚王英傳以助伊蒲塞桑門之

饌注桑門沙門也

鴈

北去還為客南來豈是歸倦投空渚泊飢帖冷雲飛

唐崔

塗鴈詩渚雲低暗度關月冷相隨

垣柵雞長暖溝池鷺自肥憐渠不知

此更墮野雲機

此論世僥倖之徒平居享安富之樂賢者則嘗履艱厄又不幸往往困於機穽也

與道原遊西菴遂至草堂寶乘寺二首

公自注云元豐

四年十月二十四日。按建康志云寶乘寺本齊草堂寺周顒隱居之所在城北十一里

西菴疑即

白雲菴

桑楊已零落

楊一作麻

藻荇亦

一作復

銷沈

蠶月條桑取彼斧斯以伐遠楊注楊

條也此對藻荇疑是二物

園宅在人境歲時傷我心強穿西

一作南埭

路共望北山岑欲與道人語跨鞍聊一尋

其二

親朋會合少時序感傷多勝踐聊為樂清談可當歌微風澹水竹靜日暖煙蘿興極猶難盡當如薄暮何

送陶氏婦兼寄純甫

純甫長女適宣德郎陶寔此言陶氏婦公之姪女也

雲結川原暗風連草木萎遙瞻季行役正對女傷悲

皆鍾

情夢事中

一作終

千變生涯老百罹更慙無道力臨路涕

交頤

寄西菴禪師行詳

公後惡行詳逐之見古詩注

意衰難自力扶路便思還強逐蕭騷水遙看慘淡山

白傳

詩池殘寥落水窗下悠颺風唐人多有此句法

行尋香草遍歸漾晚雲閒西崦

分明見幽人不可攀

贈上元宰梁之儀承議

白下有賢宰能詩如紫芝

元紫芝也

民欺自不忍縣治本無

為風月誰同賞江山我亦思粉牆侵醉墨怡悵綠苔滋

公自注云梁多留詩在江寧僧舍。上言侵醉墨下言綠苔滋蓋以苔滋而侵墨上句起意而下句乃成其誼此文章之妙

贈殊勝院簡師

早悟香山善

佛住者開崛山

今為洛社豪

洛社豪者豈如歐公所指秘演惟儼輩乎

有生長寂寞所得是風騷露夕吟逾苦雲秋思共高此

懷差自適千社一牛毛

昭公釋魯而以千社為臣周禮二十五家為里里立一社一萬

五千家。漢書司馬遷傳若九牛亡一毛

懷吳顯道

公之妻兄

南郭紅亭冷西山白道曛

韓詩紅亭枕湘江。漢書月立秋秋分行西方白道曰西

陸江光凌翠氣洲色亂黃雲歲暮誰邀客情親故憶君

天涯獨惆悵歸鳥黑紛紛

言見歸翼而重為客之感

靜照堂

任公蹲會稽

任公釣見雜詠注會稽在東方

海上得招提

謝靈運山居賦建招

提於幽峯冀振錫之息肩

淨觀堂新構

觀音普門品廣大清淨觀

幽

又魏立精藍為招提之號

尋客屢攜飛簷出風雨灑翰落虹蜺投老黃塵陌東看

路恐迷

重游草堂寺次韻三首

屋垣荒葛藟野殿冷檀沈鶴有思顯意鷹無變遁心

周顯

鶴事見別注。支遁好養鷹馬而不乘。故人或譏之遁曰貧道愛其神駿耳。

禪房閉深竹

常建

破山寺詩一逕通

齋鉢度遙岑寂寞黃塵裏金身倚一

尋

唐詩遙岑出寸碧。八尺為一尋以金身言之才丈六之半。柳子厚尊勝幢贊磐石六觚其長半尋

其二

僧殘尚食少

杜詩野寺殘僧少

佛古但泥多

泥多佛大俚語

寒守三衣

法飢傳一鉢歌

四分律中有三衣謂九條衣七條衣五條衣。一鉢歌杯渡作見傳燈錄三十

卷寬閒每迸竹危朽漫牽蘿怡悵庭前樹西來意若何

僧問趙州祖師西來意州云庭前柏樹子

其三

野寺真蘭若

綱素雜記嘗論招提以謂官賜額者為寺私造者為招提蘭若或謂此論未然蓋招

提蘭若之號自漢明帝以來天下之寺皆曰招提蘭若無別名也

山僧老病多疎鐘挾

谷響悲梵入樵歌水映茅簷竹雲埋鶯女蘿拂塵書所
見因得擬陰何韓文送區冊序夾江荒茅簷竹之間小吏十餘家。詩鶯與女蘿。陰鏗何遜

題齊安寺山亭

北山無躑躅故國有楊梅

本草躑躅樹生高三四尺花似桃花葉似山石榴。故國

謂撫州臨汝志云舊經載果實四楊梅其一也

悵望心常折殷勤手自栽

此詩建康

作懷舊鄉之意深矣公故國為臨川皆有躑躅楊梅而此地無之故手自我培以寄土思耳有無二字互相備

之暮年逢火改晴日對花開萬里烏塘路春風自往來

烏塘在撫州與公先墓相近

自白門歸望定林有寄

建康志云即臺城宣陽門也宋明帝時或謂宣

陽為白門為不祥甚諱之右丞江諡誤犯帝變色曰白汝家門通典孝武時侍中何偃南郊陪乘鸞輅過白門閭偃將匍帝反手接之曰朕反陪卿也今宣城門疑是其處

蹇驢愁石路余亦倦躋攀

傳燈錄馬祖問僧云石頭路滑踏倒汝麼僧云若踏倒則

不來此公在閨只騎驢往來北山

不見道人久忽然芳歲殘朝隨雲暫

出暮與鳥爭還杳杳青松壁知公在兩間

宿定林示寶覺

寶覺即無外名務周

天女穿林至

維摩經有天女散花事又京房易占山見白燕其君宜得貴女注云今俗名燕為天

女未知孰是

嫦娥度隴來欲歸今晚晚相值且徘徊誰謂我

忘老如聞蟲造哀

造哀見上注

鄰衾亦不寐共盡白雲杯

李義

山詩陛下好生千萬壽玉樓長御白雲杯然此詩白雲謂茶也

宿北山示行詳上人

都城羈旅日獨許上人賢誰為孤峯下還來宴坐邊

詳住

京師公為朝士與之熟晚居北山詳亦在焉故云還來宴坐邊

是身猶夢幻何物可攀

緣坐對青燈落松風咽夜泉

維摩經是身如夢為虛妄見楞起是身如夢為虛妄見楞

嚴經塵既不緣根無所偶又華嚴經了知諸法無依止本性寂滅同虛空即詩意也

獨飯

窗明兩不借榻淨一簾餘

爾雅釋名草履曰屣不借言賤易有宜各自畜不假借也

史游急就章曰裳韋不借為牧人顏師古注云不借小屣也以麻為之甚賤易得人人各自有不須假借因而為言。簾餘注云織葦而龐文者曰簾餘。登榻榻幽人夢榻

見別注

天天老者居安能問香積誰可告華胥獨飯牆陰

轉看雲坐久如

維摩經上方界分過四十二恒河沙佛有國名衆香佛號香積如來以衆香鉢

盛滿香飯與化菩薩。列子華胥氏之國在弇州之西台州之北不知斯齊國幾千萬里蓋非舟車足力之所及神游而已張湛注斯涯也齊中也。維摩經文殊師利言居士是疾何所因起其生久如當云何滅後秦釋

華注云是病何因而起起來久近云何得而減乎舍利佛言來止此室其已久如

草堂

草堂乃齊周顒隱居之所後顒出任孔稚圭作北山移文假草堂之靈以譏之

草堂今寂寞往事翳山椒蕙帳今

一作空

留鶴蘿衣終換

貂

蕙帳空今夜鶴怨。貂謂貂冠言顯隱節不終猶慕世榮也

生皆墮天袞隱或寄

公朝疊穎何勞怒東風汝自搖

莊子知北遊篇已化而生又化而死生物哀之

人類悲之解其天殺墮其天袞紛乎宛乎。王康琚詩大隱隱朝市。北山移文叢條瞋膽疊穎怒魄

示耿天隲

挾策能傷性捐書可盡年

莊子挾策讀書殘生傷性均也又可以養生可以盡年

弦歌無舊習香火有新緣

公晚師瞿曇故云有新緣

白土長岡路朱

湖小洞天望公時顧我於此暢幽悵

白土岡在建康城東高十丈南至秦

淮北連鍾山其土白色。金陵有赤山湖又名絳巖湖又名朱湖在上元句容兩縣之間茅山記大元真人內傳曰江水之東金陵之北有小澤澤東有勾曲之山是也陶隱居云小澤即謂今赤山湖也勾曲既名洞天詩所謂朱湖當指此韓詩傾壺暢幽悵

光宅寺

今知光宅寺牛首正當門

牛首山在建康城南三十里一名天闕即此山也自朱雀

門沿御道至山下宋大明中嘗立郊壇於此

臺殿金碧毀丘墟桑竹繁蕭蕭

新犢卧冉冉暮鴉翻回首千歲夢雨花何足言

示無外

支頤橫口語椎髻曲肱眠

列子黃帝篇九年之後橫心之所念橫口之所言亦不知

我之是非利害歟亦不知彼之是非利害歟莊子橫口而語。前漢南越王趙髻箕踞服虔曰髻音椎師古曰

椎髻者一撮之髻也其形如椎

莫問誰賓主安知汝輩年鄰雞生午寂

幽草弄秋妍却憶東窗簾蠻藤故宛然

僧問長慶和尚有問有答賓主

歷然無問無答時如何長慶云相逢盡道休官去林下何曾見一人。晉書年輩在臣先

北山暮歸示道人

千山復萬山行路有無間
花發蜂遞繞果垂猿對攀
獨尋寒水度欲趁夕陽還
天黑月未上兒童初掩關

懷古二首

日密畏前境淵明欣故園

日密古尊宿也龐蘊極目觀前境寂寥無一人。仙者嘗

語歐陽公云公屋宅已壞但明了前境猶庶幾耳

那知飯不餽所喜菊猶存

維摩

經化菩薩往衆香國得滿鉢香飯回至維摩詰舍時維摩詰語舍利佛等可食如來甘露味飯大悲所熏無以限意食之使不消也有異聲聞念是飯少而此大衆人當食化菩薩曰四海有謁此飯無盡所以者何功德具足者所食之餘終不可盡於是鉢飯悉飽衆會猶故不餽音賜

亦有牀坐好但無車

馬喧

維摩經舍利佛見此室中無有牀坐作念諸菩薩大弟子衆當於何坐居士謂舍利佛言仁者為法

來耶求牀坐耶舍利曰我為法來非為牀坐

誰為吾侍者稚子候柴門

文殊師利

言居士此室何以室無侍者維摩詰言一切衆魔及諸外道皆吾侍者

其二

長者一牀室先生三徑園

文殊師利承佛聖旨詣維摩問疾是時長者維摩詰心念

今文殊師利與大衆俱來即以神力空其室內除去所有及諸侍者唯置一牀以疾而卧


非無飯滿

鉢亦有酒盈樽

維摩經香積品云香積如來以衆香鉢盛滿香飯與菩薩時化菩薩既受鉢飯

須臾之間至維摩詰舍以滿鉢香飯與維摩詰又弟子品云須菩提言念我昔入其舍從乞食時維摩取我鉢

盛滿飯謂我言須菩提若不起華邊坐常開柳際門維
能於食等者諸法亦等
經見阿閼佛品云佛告維摩詰言善男子為此衆會現
妙喜國無動如來衆皆欲見於是維摩詰心念吾當不
起于座接妙喜國又梵網經
云我今盧舍即方生蓮華座謾知談實相欲辯已忘言
維摩詰謂摩訶迦旃延云無以生滅心行說實相法又
佛告文殊師利汝行詣維摩詰問疾文殊師利白佛言
彼上人者深達實相善說法要楞嚴經佛與文殊諸法王
子談實相時世尊亦言心不在內亦不在外。此詩逐
句對用維摩淵
明事上篇亦同



王荊公詩注卷二十二

欽定四庫全書

集部

王荊公詩注卷二十三至五

詳校官庶吉士_臣龍廷槐

檢討_臣何思鈞覆勘

總校官進士_臣繆琪

校對官檢討_臣盧應

謄錄監生_臣閔思紀

欽定四庫全書

王荊公詩注卷二十三

宋 李壁 撰

律詩

與寶覺宿僧舍

擾擾復翩翩秋床燭屢昏真為說萬物豈止挾三言

莊子

惠施偏為萬物說說而不休。又庚桑楚南榮越楚然正坐曰若越之年已長矣將惡乎託業以及此言耶庚桑子曰全汝形抱汝生無使汝思慮營營南榮越贏糧七日七夜南見老子老子曰子自楚之所來乎越曰唯

老子曰子何與人偕來之衆也注云挾三言而來故云

問義曹谿室捐書闕里門

若知同二妄目擊道逾存

曹谿乃六祖慧能大師所居山其門人因以為號此言問

義曹谿室亦泛言之耳不專指一人蓋公與實覺同宿僧舍上句言實覺下句以自況魯縣孔子廟南十里有二石闕曰闕里里門也。楞嚴經云妄顯諸真妄真同二妄。莊子目擊而道存。杜牧鴉詩擾擾復翩翩黃昏颺冷煙借以言燭

中書偶成

忽忽余年往茫茫不自知殷勤照清淺邂逅見衰遲輔世無賢業容身有聖時歸歟今可矣何以長人為

忽忽茫茫

言歲月之去不覺也。鑑水而知
衰白。易君子體仁足以長人

華藏寺會故人

得泉字。建康志寺偽吳武義
二年建在斗門西街北初為報

先寺國朝
改今額

百憂成阻濶一笑得留連城郭西風裏園林落照前共

知官似夢莫負酒如泉興罷重攜手江湖即渺然

夢棺
得官

又言作官如夢邯鄲之類是也。漢
有酒泉郡。杜詩東宮賜酒如流泉

求全

求全傷德義欲速累功名玉要藏而待苗非握故生未

妨徐出畫何苦急墮成此道今亡矣嗟誰可與明

左氏定公

十二年仲由為季氏宰墮三都公斂處父謂孟孫曰墮成齊人必至北門且成孟氏之保障也無成是無孟氏也子偽不知我將不墮公圍成不克

秋風

擘斂一何饕天機亦自勞牆隈小翻動屋角盛呼號漠

漠驚沙密紛紛斷柳高江湖豈在眼昨夜夢波濤

秋之氣擘

斂故字從秋擘聚也納也饕者謂納之多也天機言風也隈角猶隧之類得風最多

次韻朱昌叔歲莫

城雲漏日晚樹凍裏春深
樛密魚雖暖巢危鶴更陰
橫風高曠弩殘溜細鳴琴
歲換兒童喜還傷老大心

深字在裏

上起義。樛所感反類篇云積柴水中以取魚曰樛

次韻酬昌叔羈旅之作

君方困逆旅予亦誤朝簪
自索東方米誰多季子金
高

門萬馬散窮巷一燈深
客主竟何事蕭條梁父吟

東方朔傳

無令但索長安米。蘇秦傳見季子位高金多。梁父吟葬歌也

次韻唐公三首

東陽道中

山蔽吳天密江蟠楚地深浮雲堆白玉落日瀉黃金渺
渺隨行旅紛紛換歲陰強將詩詠物收拾濟時心

江行

材非當世用穀有故人推使節春冬換征帆日夜開南
游取干越東望得州來試盡風波惡生涯亦可哀

史記鄭當

時傳其推轂士又荆王世家今呂氏雉故推轂高帝就
天下。漢書貨殖傳譬猶戎狄之與干越不相入矣韋
昭注今餘干縣越之別名也古謂越餘地曰餘干縣有
干越亭。左成公七年吳入州來注淮南下蔡縣也至

昭公十三年吳始滅州來而襄公三十一年趙文子已
稱延州來季子其果立乎竊疑有兩州來也又季子始
封延又增州來若指下蔡言之
二邑相去亦不應許遠更攷

旅思

此身南北老愁見問征途地大蟠三楚天低入五湖看

雲心共遠步月影同孤慷慨秋風起悲歌不為鱸

史記貨殖

傳自淮南北沛陳汝南南郡此西楚也彭城以東東海吳
廣陵此東楚也衡山九江江南豫章長沙是南楚也又
孟康注漢書曰舊名江陵為南楚吳為東楚彭城為西
楚阮嗣宗詩曰南楚多秀士李昭翰注曰三楚謂楚文
王都郢昭王都鄂考烈王都壽春。盧綸詩青草湖將
天暗合白頭浪與雪相和河渠書於吳則通三江五湖

貨殖傳云吳有三江五湖之利太史公叙傳登姑蘇望五湖蓋五湖皆在姑蘇也又五湖者菱湖游湖莫湖貢湖胥湖皆太湖東岸五彎為五湖而非太湖也古時應別今並相連。唐子西語錄云荆公地蟠三楚大天入五湖低得子美句法。言自有所感非為鱸魚然張季鷹見機而逝豈真為鱸魚耶亦寓言耳

烏塘

臨川志載
公此詩

地僻居人少山稠伏獸多
怒狸朝搏鴈嚙虎夜窺騾
籬落生孫竹門庭上女蘿

公羊仇牧注乳犬攫虎伏雞搏
狸精神之至也。韓文僕來告

言虎入廬處無敢驚逐以我驂去孫竹
見招約之職方注。女蘿兔絲松蘿也未應悲寂寞六

載一經過

欲歸

水漾青天暖沙吹白日陰塞垣春錯莫行路老侵尋綠
稍還幽草紅應動故林留連一盃酒滿眼欲歸心

發館陶

館陶屬北
京大名府

促轡數殘更似聞雞一鳴春風馬上夢沙路月中行笳

鼓遠多思衣裘寒始輕稍知田父隱燈火閉柴荆

山谷
詩春

風馬上夢樽酒故人持暗與公合。度淮過河南皆沙
行。韋應物詩夏衣始輕體游步愛僧居。介父此句
時雖不同而意皆
妙。隱一作穩

王村

晦靄王村路春風北使旗塵催輕騎走寒咽短簫吹攬
轡聯貂帽投鞭各酒卮紛紛小兒女何事倚牆窺

長垣北

畿甸長垣在京師
東北一百五里

攬轡長垣北貂寒不自持霜風急鼓吹煙月暗旌旗騎
火流星點牆桑亞戟枝柴荆掩春夢誰見我行時退之
詩騎

大萬星攢。急就章
注戟歧刃之矛也

冬日

擾擾今非昔漫漫夜復晨風沙不貸客雲日欲迷人散
髮愁邊老開顏醉後春轉思江海上一洗白綸巾

韓詩
今既

不如昔後
當不如今

壬辰寒食

客思似楊柳春風千萬條更傾寒食淚欲漲冶城潮中

髮雪爭出鏡顏朱早凋未知軒冕樂但欲老漁樵

後漢
紀千

條萬端言客思如柳條之多。冶
城見上注城岸江故云冶城潮

雨中

尚疑櫻欲吐已怪菊成漂紫萸凌風怯青苔挾雨驕長

閒故有味多難自無聊牢落柴荆晚生涯付一瓢

萸葉柔得

風如怯苔以雨潤生益
蓄故稱驕猶言張王也

乘日

乘日寒垣入御風塘路歸胡皆躍馬去鴈却待人飛煙

水吾鄉似家書驛使稀忽忽照顏色恨不洗征衣

莊子徐無

鬼若乘日之車而遊於裏城之野。御風見別注塘路
塘深也下云煙水吾鄉似此詩作於北使回日。此言

北敵送使人及
境復歸其國

宿雨

綠攪寒蕪出紅爭暖樹歸魚吹塘水動鴈拂塞垣飛宿
雨驚沙靜晴雲晝漏稀却驚春夢短燈火著征衣

秋露

日月跳河急荒庭露送秋初疑宿雨泣稍怪曉霜稠曠
野將馳獵華堂已御裘空令半夜鶴抱此一端愁

元微之答

胡靈之詩序日月跳丸。爾雅春獵為蒐夏曰苗秋曰
獮冬曰狩此四時皆有獵。禮記孟冬之月天子始裘
周官仲秋獻良裘。春秋繁露曰鶴知夜半注云鶴水
鳥也夜半水位感其生氣則益鳴而喜。周處風土記

曰白鶴性警至八月白露降流於草葉上滴滴有聲即鳴也

還自河北應客

媿客問謠俗舊傳今自如材難知冀馬味美賽河魚塞

水移民久川防動衆初北人雖異論時議或非疎貨殖傳其

謠俗猶有趙之風也。左氏冀之北土馬之所生。塞水謂澹灤也。川防謂調夫役運芟草塞河。

將次洺州憩漳上

漠漠春風裏茸茸綠未齊平田鷗散啄深樹馬迎嘶地
入河流曲天隨日去低高城已在眼聊復解輕齋

田之平衍

鴉乃散啄馬喜嘉蔭望樹而嘶二句妙甚可畫。爾雅河百里一小曲千里一曲一直。有底曰囊無底曰橐言其物質輕而價重可入囊橐以齎行也

和仲庶夜過新開湖憶沖之仲涂共泛

水遠浮秋色河空洗夜氛行隨一明月坐失兩孤雲露

髮此時濕風顏何處醺淹留各有趣不比漢三君

李白詩月

行却與人相隨。杜詩作夜月同行興元南有路通巴州路絕險一上三日而達於山頂故諺云孤雲兩角去天一握。白樂天有兩處或孤雲之句。三君謂後漢大將軍竇武太傅陳蕃侍中劉淑見黨錮傳序

送契丹使還次韻荅淨因長老

老欲求吾志時方撫我華強將愁出塞空得病還家日

轉山河暖風含草木葩勝遊思一往不敢問三車

公多有使

北詩而本傳及年譜皆不載嘗出疆獨溫公朔記云云
○揚子孟子疾過我門而不入我室或曰亦有疾乎曰
撫我華而不食我實公此意似謂世之知我但以其文
而未盡吾蘊也○說文云葩華也從艸從肥○羊鹿牛
車見法華經○李白詩真僧法
號號僧伽有詩與我論三車

送吳叔開南征

摻袂不勝情犀舟擊汰行倦游無萬里惜別有千名

謂舟

春草淒淒綠江楓湛湛清金陵多麗景此去屬蘭成

屈平

九章乘舸船余上沅兮齊吳榜以擊汰注汰波也。江淹別賦故別雖一緒事有萬族疑千名亦類此更須攷陸機詩陸產尚千名退之詩春醪又千名。楚詞王孫游兮不歸芳草生兮萋萋又湛湛江水兮上有楓。張說題庾信宅蘭成追宋玉舊宅偶詞人太平寰宇記蘭成江州舊治。朔記云嘉祐五年九月錢象先閤詢陳經王安石使契丹此詩題又稱送契丹使還當考

遊栖霞菴約平甫至因寄

栖霞菴或是西菴疑不可考

渺渺林間路蕭蕭物外僧高陰涼易入閒貌老難增官

事真傷錦君恩更飲冰求田此山下終欲忤陳登

上句言林

間蔭樾高茂易致風涼下句言僧皆繳首聯之意也。李白詩意清淨貌稜稜亦不減亦不增。襄公三十一

年子皮欲使尹何為邑子產曰今子有美錦不使人學製焉大官大邑身之所庇也而使學者製焉其為美錦不亦多乎又公表文亦使敗財傷錦宜有衆多之譏。莊子今吾朝受命而夕飲水。末言元龍鄙求田者今不復恤其忤也

和栖霞寂照菴僧雲渺平甫同作

蕭然一世外所樂有誰同宴坐能忘老齋蔬不過中無心為佛事有客問家風笑謂西來意雖空亦不空

維摩經云

舍利佛告世尊我昔曾於林中宴坐樹下維摩謂我言不必是坐為宴坐也夫宴坐也者不於三界現身意是為宴坐不起滅定而現諸威儀是為宴坐不捨道法而現凡夫事是為宴坐而不在內亦不在外是為宴坐於

諸見不動而修行三十七品是為宴坐不斷煩惱而入
涅槃是為宴坐。按四分律比丘非時受食者為破律
非時者謂自日中至亥為鬼神食。誌公語已見上注
又丹霞云佛之一字永不喜聞須自看取即此意也梵
志語亦云梵志不轉經不持課。家風禪門多有此語
如何是黃龍家風翠巖家風。雲巖問圓智師師兄家
風作麼生師曰教汝指點着堪作什麼答曰無遮個多
多少時也師曰牙根猶帶生澁在。藥山又問圓智如
何是和尚家風師下禪床作女人拜曰謝子遠來都無
祇待。僧問牛頭微禪師如何是和尚家風師曰山禽
粟米飯野菜淡黃蘗僧曰忽遇上客來又作麼生師曰
喫即從君喫不喫任東西。雖空不空此真際實相也
般若經知空不空又傳燈錄真覺第二出其
觀體者只知一念即空不空非空非不空

宜春苑

漢有宜春苑地屬下杜有曰宜春宮者
即下杜苑中宮皆秦初也又子嬰葬二

世杜南宜春苑中本朝自都大梁
特借秦漢舊名亦猶昆明池之類

宜春舊臺落日暮一登臨解帶行蒼蘚移鞍坐綠陰樹

疎啼鳥遠水靜落花深無復增修事君王惜費金

沈休文詩

解帶臨清風王維詩松風吹解帶。鞍速侯切說文軟
皮也諸本皆作鞍誤韓文坐茂樹以終日。宋之問高
樹陰疎鳥不留。張祐詩斷橋荒蘚滋空院落花深。
楊文公詩風定落花深一寸日遲啼鳥度千聲。瓊林
苑金明池宜春苑玉津園謂之四園苑宜春苑本秦悼
王園俗但稱庶人園荒廢殆不復治故公詩有無復增
修之語。漢文帝嘗欲作露臺召匠計之費百金上曰
百金中人十家之產也吾奉先帝宮室常恐羞之何以
為臺

春日

冉冉春行暮，非非物競華。鶯猶求舊友，燕不背貧家。室

有賢人酒，門無長者車。醉眠聊自適，歸夢到天涯。

詩代木鶯

其鳴矣，求其友聲。武瓘詩：花開蝶滿枝，花謝蝶還稀。惟有舊巢燕，主人貧亦歸。文中子：子之室，酒不絕。賢人用徐邈事。陳平傳：以席為門，然多長者車轍。杜詩：坐對賢人酒，門聽長者車。淵明語：客我醉欲眠，君且去。

王荊公詩注卷二十三